



Republika e Kosovës
Republika Kosova
Republic of Kosovo



ZKA

ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

RAPORTI I AUDITIMIT PËR PASQYRAT FINANCIARE VJETORE TË NP KOSTT-IT SH.A PËR VITIN 2024

Raporti i nënshkruar nga

Vlora Spanca,

Auditore e Përgjithshme

Prishtinë, qershor 2025

PËRMBAJTJA E RAPORTIT

- 1 Opinioni i Auditimit
- 2 Gjetjet dhe rekomandimet
- 3 Progresi në zbatimin e rekomandimeve

Shtojca I: Letër konfirmimi / Komentet e NP-së në gjetjet e raportit të auditimit

Shtojca II: Pasqyrat financiare vjetore të audituara

1 Opinioni i Auditimit

Ne kemi përfunduar auditimin e pasqyrave financiare të NP KOSTT-it sh.a për vitin e përfunduar më 31 Dhjetor 2024, në përputhje me Ligjin për Auditorin e Përgjithshëm dhe Zyrën Kombëtare të Auditimit të Republikës së Kosovës dhe Standardet Ndërkombëtare të Institucioneve Supreme të Auditimit (SNISA). Auditimi është kryer për të na mundësuar të shprehim opinionin për pasqyrat financiare dhe konkluzionin për pajtueshmërinë me autoritetet.¹

Opinion i kualifikuar për pasqyrat financiare vjetore

Ne i kemi audituar pasqyrat financiare vjetore të NP KOSTT-it sh.a (KOSTT sh.a), të cilat përmbajnë pasqyrën e pozitës financiare për vitin 2024, pasqyrën e të ardhurave gjithëpërfshirëse, pasqyrën e rrjedhës së parasë së gatshme, pasqyrën e ndryshimeve në ekuitet, shënimet shpjeguese për pasqyrat financiare, përfshirë përmbledhjen e politikave të rëndësishme kontabël, për vitin e përfunduar më 31 dhjetor 2024.

Sipas opinionit tonë, përveç efekteve të çështjes/ve së përshkruar në paragrafin Baza për Opinion të Kualifikuar, Pasqyrat Financiare të bashkangjitura për vitin e përfunduar më 31 dhjetor 2024, prezantojnë një pamje të drejtë dhe të vërtetë në të gjitha aspektet materiale të pozitës financiare të NP KOSTT-it sh.a deri me 31 dhjetor 2024, performancës së saj, si dhe rrjedhës së parasë së gatshme për vitin 2024, në përputhje me Standardet Ndërkombëtare të Raportimit Financiar (SNRF).

Baza për Opinion të Kualifikuar

- B1 Në regjistrin e pasurive të ndërmarrjes, figurojnë 417 pasuri të trashëguara nga Korporata Energjetike e Kosovës (KEK), të cilat janë regjistruar me kosto historike zero. Prej tyre 38 parcela toke, 10 ndërtesa, 26 rrugë, 135 pajisje të rrjetit dhe 208 pajisje tjera. Që nga themelimi i saj, ndërmarrja nuk ka ndërmarrë ndonjë proces rivlerësimi për këto pasuri dhe nuk ka përcaktuar vlerën e tyre kontabël në pasqyrat financiare.
- B2 Për sipërfaqen e tokave prej 4.80 hektar që është e regjistruar në regjistrin e pasurive dhe për të gjitha ndërtesat e trashëguara nga KEK, ndërmarrja nuk kishte dëshmi të pronësisë. Po ashtu ndërmarrja ka në regjistrat të saj të regjistruar 11 apartamente të trashëguara me vlerë neto në libra 153,907€ për të cilat nuk ka informatë të statusit të tyre pronësor dhe të njëjtit nuk janë në shfrytëzim të ndërmarrjes. Për shkak të natyrës së çështjes auditori nuk ka arritur të identifikoj vlerën financiare të mos-regjistrimit por gabimi konsiderohet material në aspektin e keq-deklarimit.

Më gjerësisht shih nënkapitullin 2.1 Çështjet që ndikojnë në opinion të auditimit

Auditimi është kryer në përputhje me Standardet Ndërkombëtare të Institucioneve Supreme të Auditimit (SNISA). Sipas këtyre standardeve, përgjegjësitë tona janë përshkruar më poshtë tek pjesa 'Përgjegjësitë e Auditorit për Auditimin e Pasqyrave Financiare'.

Në përputhje me ONISA-P-10 dhe SNISA 130, si dhe kërkesat e tjera relevante për auditimin e PFV-ve të Ndërmarrjeve Publike, Kodin e Etikës të ZKA-së, ZKA-ja është e pavarur nga subjekti i auditimit. Besojmë se dëshmitë e auditimit që kemi marrë janë të mjaftueshme dhe të duhura për sigurimin e bazës për opinionin.

Konkluzion për pajtueshmërinë

Ne kemi audituar nëse proceset dhe transaksionet përcjellëse janë në pajtueshmëri me kriteret e përcaktuara të auditimit që burojnë nga legjislacioni i zbatueshëm për subjektin e audituar në kontekstin e përdorimit të burimeve financiare.

Sipas mendimit tonë, përveç ndikimeve të çështjes/ve të përshkruara në seksionin Baza për Konkluzion, transaksionet e kryera të NP KOSTT-it sh.a kanë qenë, në të gjitha aspektet materiale, në përputhje me kriteret e përcaktuara të auditimit që burojnë nga legjislacioni i zbatueshëm për subjektin e audituar në kontekstin e përdorimit të burimeve financiare.

Baza për konkluzion

- B3 Angazhimi i shërbimeve të auditimit nga auditori privat, për kundër faktit se ndërmarrja ishte subjekt i auditimit nga ZKA.
- A1 Përdorimi i procedurës së negociuar pa publikim të njoftimit për kontratë - emergjencë ekstreme, në rrethana të parashikueshme dhe për shkak të mungesës së planifikimit të duhur.
- A2 Aplikimi i kriterëve të përzgjedhjes si kriterë për dhënien e kontratës.
- A3 Mos përmbushje e afatit kontraktual nga operatori ekonomik.
- B4 Ndërmarrja gjatë vitit 2024, për kërkesat kryesisht të njëjta ose të ndërlidhura të furnizimeve/shërbimeve kishte zhvilluar më shumë se një procedurë të prokurimit. Gjithashtu për dy projekte të planifikuara ishin realizuar 14 procedura të prokurimit.

Më gjerësisht shih nënkapitullin 2.2 Çështjet që ndikojnë në konkluzionin e pajtueshmërisë

Auditimi është kryer në përputhje me Standardet Ndërkombëtare të Institucioneve Supreme të Auditimit (SNISA). Sipas këtyre standardeve, përgjegjësitë tona janë përshkruar më poshtë tek pjesa 'Përgjegjësitë e Auditorit për Auditimin e Pasqyrave Financiare'.

Në përputhje me ONISA-P-10 dhe SNISA 130, si dhe kërkesat e tjera relevante për auditimin e PFV-ve të Ndërmarrjeve Publike, Kodin e Etikës të ZKA-së, ZKA-ja është e pavarur nga subjekti i auditimit. Besojmë se dëshmitë e auditimit që kemi marrë janë të mjaftueshme dhe të duhura për sigurimin e bazës për konkluzion.

Çështje tjetër

- 1 Sipas shënimeve të KOSTT-it obligimet ndaj KEK-ut ishin 3,241,777€ ndërsa sipas konfirmimit dhe shënimeve të KEK vlera e obligimit ishte 3,804,587€. Diferenca prej 562,809€ është si pasoj e mos pranimi të dy faturave të lëshuara si ndëshkim për vonesa në pagesën e obligimeve nga KEK.

Për këtë, KOSTT kishte dërguar shkresë për shlyerje të këtyre obligimeve me arsyen se baza e këtyre penaltive është e ndërlidhur me llogarinë balancuese të cilën KOSTT vetëm e bënë menaxhimin, kurse për shlyerje të obligimeve të ndërsjella rrjedhin nga palët të cilat shkaktojnë jo balancat. Sipas tyre vetëm nëse një palë dështon në përmbushjen e obligimeve, atëherë KOSTT domosdoshmërisht dështon në pagesën e obligimeve të palës tjetër.

Informacione të tjera të ndryshme nga pasqyrat financiare dhe raporti i auditorit mbi to

Menaxhmenti është përgjegjës për informacionet e tjera. Informacionet e tjera përfshijnë informacionet në raportin e menaxhmentit dhe deklaratën e qeverisjes korporative, por këto informacione nuk përfshijnë pasqyrat financiare dhe raportin tonë të auditorit mbi këto pasqyra.

Opinionin ynë mbi pasqyrat financiare nuk mbulon informacionet e tjera dhe ne nuk shprehim ndonjë lloj konkluzioni që jep siguri në lidhje me këto informacione.

Në lidhje me auditimin e pasqyrave financiare, ne kemi përgjegjësinë të lexojmë informacionet e tjera dhe të vlerësojmë nëse këto informacione kanë inkoherenca materiale me pasqyrat financiare apo me njohjen që ne kemi marrë gjatë auditimit ose përndryshe, nëse duket se janë me anomali materiale.

Ne kemi marrë parasysh nëse informacionet në raportin për menaxhmentin janë në përputhje me informacionet në pasqyrat financiare dhe deklarata e qeverisjes korporative përfshinë shpalosjet e kërkuara me nenet 7 dhe 10 të ligjit 06/L-032 për Kontabilitet, Raportim Financiar dhe Auditim.

Nëse, bazuar në punën e kryer, arrijmë në përfundimin se në këto informacione ka një anomali materiale, atëherë ne duhet të raportojmë për këtë fakt. Siç përshkruhet në seksionin e bazës për opinionin e kualifikuar:

- 1 Në regjistrin e pasurive të ndërmarrjes, figurojnë 417 pasuri të trashëguara nga Korporata Energjetike e Kosovës (KEK), të cilat janë regjistruar me kosto historike zero.
- 2 Ndërmarrja nuk kishte bërë përditësimin e regjistrit të pasurisë me ndryshimet e ndodhura ndër vite për pronat e paluajtshme.

Përgjegjësitë e Menaxhmentit dhe organeve drejtuese/qeverisëse për pasqyrat financiare vjetore

Menaxhmenti është përgjegjës për përgatitjen dhe prezantimin e drejtë të Pasqyrave Financiare sipas Standardeve Ndërkombëtare të Raportimit Financiar (SNRF). Po ashtu, menaxhmenti është përgjegjës për vendosjen e kontrolleve të brendshme, të cilat i përcakton si të nevojshme për të mundësuar përgatitjen e pasqyrave financiare pa keqdeklarime materiale të shkaktuara, qoftë nga mashtrimi apo gabimi. Kjo përfshinë gjithashtu zbatimin e Ligjit nr. 03/L-048 për Menaxhimin e Financave Publike dhe Përgjegjësitë (me plotësime dhe ndryshime), Ligjit nr. 03/L-087 për Ndërmarrjet Publike (me plotësime dhe ndryshime), Ligjit 06/L-032 për Kontabilitet, Raportim Financiar dhe Auditim.

Bordi i Drejtorëve është përgjegjës për mbikëqyrjen e procesit të raportimit financiar të NP KOSTT-it sh.a.

Përgjegjësia e Menaxhmentit për Pajtueshmërinë

Menaxhmenti i NP KOSTT-it sh.a është gjithashtu përgjegjës për përdorimin e burimeve financiare të NP KOSTT-it sh.a në përputhje me Ligjin për Ndërmarrjet Publike, si dhe të gjitha ligjet, rregullat dhe rregulloret e tjera të zbatueshme.²

Përgjegjësia e Auditorit të Përgjithshëm për auditimin e PFV-ve

Objektivat tona janë të marrim siguri të arsyeshme se Pasqyrat Financiare si tërësi nuk përmbajnë keqdeklarime materiale, qoftë për shkak të mashtrimit apo gabimit, dhe të nxjerrim një raport të auditimit që përfshinë opinionin tonë. Siguria e arsyeshme është niveli i lartë sigurie, por nuk garanton se një auditim i kryer në përputhje me SNISA-t do të zbulojë çdo keqdeklarim material që mund të ekzistojë. Keqdeklarimet mund të rezultojnë nga mashtrimi ose gabimi dhe konsiderohen materiale nëse, individualisht ose së bashku, me arsye pritet që të ndikojnë në vendimet ekonomike të përdoruesve, të marra në bazë të këtyre Pasqyrave Financiare.

Objekti ynë është gjithashtu të shprehim një konkluzion të auditimit për pajtueshmërinë e autoriteteve përkatëse të NP KOSTT SH.A. me kriteret e përcaktuara të auditimit që burojnë nga legjislacioni i zbatueshëm për subjektin e audituar në kontekstin e përdorimit të burimeve financiare. Si pjesë e auditimit, në përputhje me Ligjin për ZKA dhe SNISA-t, ne ushtrojmë gjykimin profesional dhe mbajmë skepticizëm profesional gjatë gjithë auditimit. Ne gjithashtu:

- Identifikojmë dhe vlerësojmë rreziqet e keqdeklarimit material të Pasqyrave Financiare, qoftë për shkak të mashtrimit apo gabimit; hartojmë dhe kryejmë procedurat e auditimit konform atyre rreziqeve, si dhe sigurojmë dëshmi të auditimit që janë të mjaftueshme dhe të duhura për të siguruar bazën për opinionin. Rreziku i moszbulimit të një keqdeklarimi material që rezulton nga mashtrimi është më i lartë sesa për keqdeklarimin që rezulton nga gabimi, pasi mashtrimi mund të përfshijë manipulimin, falsifikimin, lëshime të qëllimshme, keqpërfaqësime apo anashkalimin e kontrollit të brendshëm.
- Identifikojmë dhe vlerësojmë rreziqet e mos-pajtueshmërisë me autoritetet, qoftë për shkak të mashtrimit ose gabimit, hartojmë dhe kryejmë procedurat e auditimit që janë përgjegjëse ndaj atyre rreziqeve, dhe marrim dëshmi të auditimit që janë të mjaftueshme dhe të përshtatshme për të siguruar bazën për konkluzionin tonë për pajtueshmërinë me autoritetet. Rreziku i mos zbulimit të një rasti të mos pajtueshmërisë me autoritetet që vjen nga mashtrimi është më i lartë sesa për atë që rezulton nga gabimi, pasi mashtrimi mund të përfshijë manipulim, falsifikim, lëshime të qëllimshme, keq përfaqësime ose anashkalim të kontrollit të brendshëm.
- Sigurohemi ta kuptojmë kontrollin e brendshëm relevant për auditimin, për t'i hartuar procedurat e auditimit që janë të përshtatshme në rrethanat, por jo me qëllim të shprehjes së opinionit për efikasitet të kontrollit të brendshëm të NP KOSTT-it sh.a.
- Vlerësojmë përshtatshmërinë e politikave të përdorura kontabël dhe arsyeshmërinë e vlerësimeve të kontabilitetit dhe shpalosjet përkatëse të bëra nga menaxhmenti.
- Nxjerrim një përfundim nëse baza e vijimësisë së kontabilitetit është e përshtatshme për përdorim nga menaxhmenti, bazuar në provat e siguruara të auditimit, nëse ekziston pasiguria materiale në lidhje me ngjarje apo kushte që mund të hedhin dyshime të rëndësishme në aftësinë e NP KOSTT-it sh.a, për të vazhduar sipas parimit të vijimësisë. Nëse konkludojmë se ekziston një pasiguri materiale, nga ne kërkohet që të tërheqim vëmendjen në raportin tonë të auditimit për shpalosjet përkatëse në Pasqyrat Financiare ose, nëse zbulimet e tilla janë të papërshtatshme ta modifikojmë opinionin tonë. Përfundimet tona bazohen në provat e auditimit të marra deri në datën e raportit tonë të auditimit. Sidoqoftë, ngjarjet apo kushtet e ardhshme mund të bëjnë që NP-ja të pushojë së vazhduari sipas parimit të vijimësisë.

- Vlerësojmë prezantimin e përgjithshëm, strukturën dhe përmbajtjen e Pasqyrave Financiare, përfshirë edhe shpalosjet, për t'u siguruar se Pasqyrat Financiare paraqesin transaksionet dhe ngjarjet në mënyrë të drejtë dhe të saktë.

Ndër të tjera, ne komunikojmë me menaxhmentin dhe ata që janë përgjegjës për qeverisjen edhe në lidhje me fushëveprimin dhe kohën e planifikuar të auditimit dhe gjetjet e rëndësishme të auditimit, përfshirë ndonjë mangësi domethënëse në kontrollin e brendshëm që ne e identifikojmë gjatë auditimit.

Nga çështjet e komunikuara me menaxhmentin, ne përcaktojmë ato çështje që ishin më të rëndësishme në auditimin e Pasqyrave Financiare të periudhës aktuale dhe që cilësohen si çështje kyçe të auditimit. Raporti i auditimit publikohet në ueb faqen e ZKA-së, me përjashtim të informacioneve që klasifikohen si sensitive apo për shkak të ndalesave të tjera ligjore e administrative, në pajtim me legjislacionin në fuqi.

2 Gjetjet dhe rekomandimet

Gjatë auditimit, kemi vërejtur fusha për përmirësim të mundshëm, përfshirë kontrollin e brendshëm, të cilat janë paraqitur më poshtë për shqyrtimin tuaj në formë të gjetjeve dhe rekomandimeve. Këto gjetje dhe rekomandime kanë për qëllim të bëjnë korrigjimin e nevojshëm të informacionit financiar të paraqitur në pasqyrat financiare, duke përfshirë shpalosjet në formë të shënimeve shpjeguese dhe të përmirësojnë kontrollet e brendshme lidhur me raportimin financiar dhe pajtueshmërinë me autoritetet në lidhje me menaxhimin e fondeve të sektorit publik. Ne do t'i përcjellim (shqyrtojmë) këto rekomandime gjatë auditimit të vitit të ardhshëm.

Ky raport ka rezultuar me nëntë (9) rekomandime, prej tyre katër (4) janë rekomandime të reja, katër (4) të përsëritura dhe një (1) pjesërisht i përsëritur.

Derisa për statusin e rekomandimeve të vitit paraprak dhe nivelin e zbatimit të tyre, shih kapitullin 3.

2.1 Çështjet që ndikojnë në opinionin e auditimit

Çështja B1 - Mos rivlerësimi i pasurive të ndërmarrjes

Gjetja

Sipas Standardit Ndërkombëtar të Kontabilitetit 16, paragrafi 7, kosto e një zëri të pasurive afatgjata materiale (toka, ndërtesa, makineri e pajisje) do të njihet si pasuri nëse dhe vetëm nëse: (a) është e mundshme që përfitimet ekonomike në të ardhmen që i atribuohen kësaj pasurie do të rrjedhin tek njësia ekonomike; dhe (b) kosto e pasurisë mund të matet me besueshmëri. Matja dhe njohja e një zëri të pasurive afatgjata materiale do të bëhet bazuar në koston e tyre. Paragrafi 23 përcakton se kosto e një zëri të pasurive afatgjata është ekuivalent i çmimit në mjete monetare në datën e njohjes. Në paragrafin 31 theksohet se pas njohjes si një pasuri, një zë i pasurive afatgjata materiale vlera e drejtë e të cilëve matet me besueshmëri do të mbartet me shumën e rivlerësuar, që është vlera e drejtë e zërave në datën e rivlerësimit minus ndonjë amortizim të mëpasshëm të akumuluar dhe ndonjë humbje të akumuluar nga zhvlerësim. Rivlerësimet do të bëhen në mënyrë të rregullt të mjaftueshme që të sigurohet se vlera kontabël (neto) e pasurisë nuk ndryshon materialisht nga ajo që do të përcaktohej nëse do të përdorej vlera e drejtë në fund të periudhës raportuese. Paragrafi 36 thekson se nëse një zë i pasurive afatgjata materiale (toka, ndërtesa, makineri e pajisje) rivlerësohet, duhet të rivlerësohet e gjithë kategoria e pasurive afatgjata materiale së cilës i përket pasurisë.

Meqenëse KOSTT ishte ndarë nga Korporata Energjetike e Kosovës (KEK) në vitin 2006, gjatë këtij procesi ndërmarrjes iu transferuan pasuritë e nevojshme për funksionimin e saj të pavarur. Regjistrimin e tyre në regjistrat kontabël ndërmarrja e kishte bërë me vlerat e tyre neto ashtu siç i janë dorëzuar nga KEK. Zërat e ndërtesave, impianteve dhe pajisjeve në regjistrat e KOSTT-it ishin prezantuar me vlerat fillestare të pasurive (minus zhvlerësimi i akumuluar) të vlerësuara nga një konsulent i pavarur në kohën e shndërrimit nga një Korporatë në një Shoqëri Aksionare më datë 1 Janar 2005. Nga ajo periudhë ndërmarrja nuk kishte bërë tutje ri-vlerësimin e pasurive.

Si rrjedhojë, në regjistrin e pasurive figurojnë 4,419 pasuri me kosto historike 62,330,296€ që janë të zhvlerësuara plotësisht dhe vlera e tyre neto në libra është zero. Për me tepër, në kuadër të pasurive me vlerë neto zero, gjenden 417 pasuri të cilat nuk kishin fare kosto historike në momentin e regjistrimit. Prej tyre 38 parcela toke, 10 ndërtesa, 26 rrugë, 135 pajisje të rrjetit dhe 208 pajisje tjera.

Kjo kishte ndodhur për shkak se menaxhmenti e kishte konsideruar industri specifike dhe vështirë të zbatueshme rivlerësimet e pasurive në praktikë.

Ndikimi

Mos realizimi i procesit të rivlerësimit të pasurive, me theks pasuritë që nuk kanë fare kosto fillestare, rrit rrezikun që vlera kontabël e tyre në datën e raportimit të pasqyrave financiare, të jetë me vlera materialisht të ndryshme nga vlera e drejtë e tyre.

Rekomandimi B1

Bordi i Drejtoreve të siguroj se do të kryhen rivlerësimet e pasurive që të sigurohet se vlera e prezantuar e pasurive në pasqyra financiare nuk ndryshon materialisht nga vlera e tyre e drejtë në fund të periudhës raportuese.

Përgjigja e menaxhmentit të entitetit (Pajtohen)

Çështja B2 - Mos përditësimi i regjistrit të pasurisë me ndryshimet e ndodhura ndër vite për pronat e paluajtshme

Gjetja

SNK 16 në paragrafin 6 thekson se toka, ndërtesa dhe pajisjeje janë zëra material që mbahen për përdorim në prodhim ose furnizimin e të mirave ose shërbimeve për dhënie me qira palëve të treta ose për qëllime administrative dhe pritët të përdoren gjatë më shumë së një periudhë. Ndërsa, Korniza Konceptuale në paragrafin 4.11 përcakton që zotërimi ligjor i një objekti fizik mund të sjellë një sërë të drejtash, përfshirë, të drejtën për të përdorur objektin, të drejtën për të shitur të drejta mbi objektin, të drejtën për ta lënë peng objektin dhe të drejta të tjera.

Në regjistrat kontabël të pasurive janë të përfshira 50 parcela të tokës të trashëguara nga KEK, mirëpo sipas dëshmimeve të ndërmarrjes nuk është i definuar statusi pronësor për të gjitha pronat e trashëguara. Ndërmarrja nuk kishte përditësuar regjistrin e pasurisë me ndryshimet e ndodhura ndër vite për pronat e paluajtshme dhe mangësitë janë si në vijim:

- Për tetë (8) parcela me sipërfaqe totale prej 4.80 hektar, edhe pse figurojnë në regjistrin e pasurive, ndërmarrja nuk posedon certifikatë të pronësisë.

- Po ashtu, në 12 raste, kemi identifikuar se pronat nuk ishin të regjistruara saktë sipas fletëve poseduese. Sipërfaqet e pronave të regjistruara në regjistër ishin 34.97 hektar ndërsa sipas fletëve poseduese ishin 39.96 hektar. Pra ekziston një diferencë kumulative prej 4.99 hektarësh. Ndërsa në pesë (5) raste të tjera, sipërfaqet e regjistruara në regjistër ishin 5.42 hektar ndërsa në fletët poseduese ishin 7.87 hektar me një diferencë totale prej 2.45 hektarësh.
- Përveç kësaj, ndërmarrja kishte të regjistruar pronat e paluajtshme në regjistrin e pasurisë të përmbledhura nga fletët poseduese dhe jo veç e veç sipas numrit të parcelave. Fakti që fletët poseduese përmbajnë numër të madh të parcelave dhe në disa raste edhe lloje të ndryshme të pronës brenda të njëjtës fletë poseduese si tokë rurale, pyjore, ndërtesë, kanë pamundësuar në identifikimin e vlerës së drejtë të pronave individualisht.

Gjithashtu, në regjistrin e pasurive ndërmarrja kishte të regjistruara 100 objekte të trashëguara nga KEK-u, përfshirë ndërtesa dhe njësi banesore, të cilat aktualisht janë në përdorim apo nën pretendim pronësor nga ana e ndërmarrjes. Megjithatë, është evidentuar një situatë e paqartë lidhur me statusin pronësor dhe menaxhimin e këtyre objekteve:

- Përveç objekteve që ndodhen në Komunën e Obiliqit, të gjitha ndërtesat e trashëguara nga KEK-u të cilat ndërmarrja i kishte të regjistruara në regjistrin e pasurive, nuk e kanë të rregulluar statusin pronësor. Ato nuk figurojnë të regjistruara si pronë e ndërmarrjes në regjistrat përkatës kadastral, por konsiderohen si të tilla vetëm mbi bazën se toka ku ndodhen është në pronësi të ndërmarrjes.
- Tetë (8) ndërtesa të regjistruara në regjistrin e pasurive, janë në shfrytëzim nga ndërmarrja, por as ndërtesat dhe as tokat në të cilat ato ndodhen nuk janë në pronësi të ndërmarrjes.
- Gjashtë (6) njësi banesore janë të regjistruara në regjistrin e pasurive të ndërmarrjes, por nuk janë në pronësi dhe as në shfrytëzim nga ndërmarrja.
- Ndërmarrja ka në regjistrat të saj të regjistruar 11 apartamente të trashëguara nga KEK-u me vlerë neto në libra 153,907€. Për këto apartamente ndërmarrja nuk ka informatë të statusit të tyre pronësor. Edhe sipas raportit të komisionit të inventarizimit, ky komision e kishte të pamundur identifikimin e këtyre apartamenteve dhe për të njëjtat nuk kishte dhënë informata të tjera nëse të njëjtat janë në shfrytëzim nga ndërmarrja.
- Tutje, sipas dëshmive të ofruara nga ndërmarrja, ekzistojnë edhe 14 njësi banesore të tjera të cilat nuk janë të regjistruara si pasuri të ndërmarrjes. Megjithatë, tokat mbi të cilat janë ndërtuar këto njësi banesore janë të regjistruara në regjistrat e pasurive si pronë e ndërmarrjes. Këto njësi banesore nuk janë as në pronësi, as në shfrytëzim të ndërmarrjes, por ajo ka pretendime ligjore mbi to, pasi ndodhen brenda kufijve të tokave që janë në pronësi të saj.

Arsyeja kryesore e këtyre mangësive lidhet me mënyrën se si janë bartur të dhënat dhe shënimet nga KEK-u pas përfundimit të procesit të ndarjes. Gjatë këtij procesi, të dhënat janë transferuar pa u bërë një verifikim i plotë apo harmonizim me gjendjen faktike dhe ligjore të pronave, çka ka rezultuar në mospërputhje dhe pasaktësi në regjistrat e pasurive.

- Ndikimi** Mos përditësimi i regjistrit të pasurisë me gjendjen aktuale të pronave të paluajtshme ndikon në nënvlerësimin përkatësisht mbivlerësimin e vlerës së pasurisë afatgjatë në pasqyrat financiare.
- Rekomandimi B2** Bordi i Drejtorëve të siguroj së janë marrë veprimet e nevojshme për trajtimin e çështjeve pronësore të ndërmarrjes dhe të përditësoj regjistrin e pasurisë me gjendjen aktuale duke prezantuar saktë dhe drejt pasurinë afatgjatë të ndërmarrjes.
- Përgjigja e menaxhmentit të entitetit (Pajtohen)**

2.2 Çështjet që ndikojnë në konkluzionin e pajtueshmërisë

Çështja B3 - Auditimi i Pasqyrave Financiare

Gjetja

Sipas nenit 137 të Kushtetutës së Republikës së Kosovës pika 3 Auditori i Përgjithshëm i Republikës së Kosovës kontrollon veprimtarinë ekonomike të ndërmarrjeve publike dhe personave juridikë të tjerë, tek të cilët Shteti ka një pjesë të aksioneve, ose kur huat, kreditë dhe detyrimet e tyre garantohen nga Shteti. Po ashtu, sipas nenit 33.3 të Ligjit nr. 03/L-087 për Ndërmarrjet Publike (i ndryshuar dhe i plotësuar), Auditimin e Pasqyrave Financiare do ta bëjë Zyra e Auditorit të Përgjithshëm, në të kundërtën, Zyrta i Prokurimit i NP-së do të prokurojë shërbimet e një auditori për kryerjen e auditimit të jashtëm në përputhje me kushtet e përcaktuara në Ligjin për Prokurim Publik dhe me nenin 33 të Ligjit Nr.03/L-087 për Ndërmarrjet Publike. Kontrata përkatëse do të ketë kohëzgjatje prej tri (3) viteve. Po ashtu sipas Ligjit Nr. 05/L-055 për Auditorin e Përgjithshëm dhe Zyrën Kombëtare të Auditimit të Republikës së Kosovës, neni 18, pika 4, citon : Zyra Kombëtare e Auditimit mund të kryej auditime të detyrueshme të rregullsisë në Ndërmarrjet Publike. Auditori i Përgjithshëm informon Aksionarin më së voni me 30 shtator të vitit aktual mbi atë se cilat nga këto auditime do të kryhen.

Zyra Kombëtare e Auditimit (ZKA), sipas planit vjetor të auditimit, kishte njoftuar me kohë ndërmarrjen KOSTT se për vitin financiar 2023 do të ishte subjekt i auditimit të pasqyrave financiare vjetore, në përputhje me Standardet Ndërkombëtare të Auditimit të Sektorit Publik (SNRF). Megjithatë, më 12.12.2023, KOSTT kishte lidhur një kontratë kornizë trevjeçare me një operator ekonomik privat për ofrimin e shërbimeve të auditimit të pasqyrave financiare për periudhën 2023-2025, me vlerë totale 44,250 euro. Kontrata përfshinte realizimin e dy auditimeve për çdo vit, auditimi sipas SNRF-ve, dhe auditimi sipas kërkesave specifike të Zyrës së Rregullatorit për Energji (ZRRE). Më 20.09.2024 KOSTT i ishte drejtuar Zyrës Kombëtare të Auditimit (ZKA) me kërkesë zyrtare për sqarim nëse ZKA do të realizonte vetëm auditimin e pasqyrave financiare vjetore apo edhe auditimin për qëllime të veçanta, sipas udhëzimeve të ZRRE-së. Sipas shkresës, varësisht nga përgjigja e ZKA-së, KOSTT do të ndërmernte veprimet përkatëse lidhur me angazhimin ekzistues në kuadër të kontratës kornizë trevjeçare për ofrimin e shërbimeve të auditimit të jashtëm.

Bazuar në kërkesën e ndërmarrjes dhe me qëllim shmangien e shpenzimeve të dyfishta, ZKA më datë 26.09.2024 kishte konfirmuar se do të kryente të dy auditimet, si atë të pasqyrave vjetore, ashtu edhe auditimin për qëllime të veçanta. Pavarësisht këtij konfirmimi, KOSTT nuk kishte ndërmarrë veprime përkatëse lidhur me kontratën kornizë me auditorin privat. Si pasojë, ndërmarrja kishte realizuar pagesa ndaj auditorit privat në shumën prej 14,750€.

Si rrjedhojë, më 24.01.2025, ZKA kishte njoftuar ndërmarrjen se, duke u bazuar në rrethanat e reja të përmendura më lartë dhe me qëllim shmangien e shpenzimeve shtesë, kishte vlerësuar të paarsyeshëm angazhimin për kryerjen e auditimeve për qëllime të veçanta. Për këtë arsye, kishte njoftuar se tërhiqet nga realizimi i auditimit shtesë të pasqyrave financiare të përgatitura në përputhje me kornizat për qëllime të veçanta, për ZRRE. Prandaj, ZKA do të vazhdojë vetëm me auditimin e pasqyrave financiare vjetore për vitin 2024 në përputhje me kërkesat e SNRF dhe detyrimet ligjore që rrjedhin nga Kushtetuta dhe Ligji për Zyrën Kombëtare të Auditimit.

Vlen të theksohet se, sipas kushteve të veçanta të kontratës, auditori privat ishte i obliguar të dorëzonte raportet e auditimit dhe letrën e menaxhmentit jo më vonë se data 31 mars e secilit vit përkatës. Për vitin 2024, auditori privat kishte dorëzuar vetëm raportin për qëllime të SNRF-ve brenda afatit të përcaktuar, ndërsa deri në muajin maj 2025 nuk kishte dorëzuar raportin për qëllime të ZRRE-së dhe as letrën e menaxhmentit, duke qenë në kundërshtim me kushtet e kontratës.

Lidhja e kontratës për një periudhë trevjeçare me auditorin privat, pa përfshirë një klauzolë për ndërprerje në rast se ZKA vendos të kryejë auditimin e kësaj ndërmarrjeje ka qenë shkak për realizimin e auditimeve të dyfishta dhe shpenzimeve shtesë për ndërmarrjen.

Ndikimi

Angazhimi i shërbimeve të auditimit edhe nga auditori privat, përkundër faktit se ndërmarrja ishte subjekt i auditimit nga ZKA, përveç që do të shkaktoj shpenzime shtesë ndërmarrjes, krijon paqartësi tek lexuesit e pasqyrave financiare për shkak të opinioneve të ndryshme të auditimit.

Rekomandimi B3 Bordi i Drejtorëve duhet të sigurojë që, në rast të angazhimit të Zyrës Kombëtare të Auditimit për auditimin e Pasqyrave Financiare Vjetore, të shmangen shpenzimet e panevojshme për shërbime të njëjta, duke respektuar parimin e përdorimit efikas dhe ekonomik të fondeve publike.

Përgjigja e menaxhmentit të entitetit (Pajtohen)

Çështja A1 - Përdorimi i procedurës së negociuar pa publikim të njoftimit për kontratë - emergjencë ekstreme, në rrethana të parashikueshme dhe mungesës së planifikimit të duhur

Gjetja

Sipas nenit të Ligjit për prokurim publik (LPP), autoriteti kontraktues mund të përdorë procedurat e negociuara pa publikimin e njoftimit të kontratës për të ushtruar aktivitetin e prokurimit vetëm pasi që të jetë në pajtim me këtë nen. KRPP duhet të njoftohet nga autoriteti kontraktues në fjalë brenda dy ditëve nga data kur vendimi për përdorimin e procedurave të tilla është marrë. Autoriteti kontraktues duhet që në njoftim të ofrojë një shpjegim të hollësishëm të fakteve të konsideruara dhe justifikimin për përdorimin e procedurës dhe; 2. Autoriteti kontraktues mund të përdor procedura të negociuara pa publikimin paraprak të njoftimit të kontratës për ushtrimin e aktiviteteve të prokurimit që kanë për qëllim dhënien e: 2.1. çfarëdo kontrate publike: (iii) nëse, për aq sa është shumë e nevojshme për arsye të emergjencave ekstreme që janë shkaktuar nga ngjarje objektivisht të verifikueshme të cilat nuk kanë pasur mundësi të parashikohen me arsye nga autoriteti përkatës kontraktues, autoriteti i tillë kontraktues nuk mund ta japë kohën e kërkuar për ushtrimin e cilësdo procedurë tjetër që parashtrohet në këtë ligj. Me kusht që kjo dispozitë të mos mund të shfrytëzohet nëse rrethanat që e kanë krijuar situatën emergjente ekstreme mund t'u atribuohen veprimeve neglizhente ose të qëllimta ose lëshimeve të autoritetit kontraktues.

Në procedurën e prokurimit Sigurimi Fizik i Objekteve të KOSTT-it kemi identifikuar se ndërmarrja kishte përdor procedurën e negociuar pa publikimin paraprak të njoftimit të kontratës në rrethana të parashikueshme dhe për shkak të mungesës së planifikimit të duhur.

Inicimi i procedurës së prokurimit për këtë tender, sipas planit të prokurimit, ishte paraparë të bëhej në muajin janar 2024. Megjithatë, ky proces nuk ishte iniciuar deri në fund të muajit korrik (procedurë e hapur). Pas kësaj vonese, për shkak të buxhetit të pamjaftueshëm si rezultat i ndryshimeve ligjore lidhur me rritjen e pagës minimale, procedura ishte anuluar në muajin gusht. Procedura për ri tenderim nuk ishte iniciuar deri më datën 07.10.2024.

Si pasojë e kësaj situate, më 08.11.2024 ndërmarrja njoftoi KRPP-në për përdorimin e procedurës emergjente ekstreme, duke u thirrur në nenin 35.2.3 të Ligjit për Prokurimin Publik. Megjithatë, në arsyetimin e dhënë në këtë njoftim, ishte theksuar se do të zhvillohej një procedurë emergjente me afate të përshpejtuara, dhe jo një procedurë emergjente ekstreme, duke u bazuar në faktin se procedura e rregullt (ri tender) ishte ende në proces dhe se infrastruktura e ndërmarrjes është kritike dhe nuk mund të funksionojë pa shërbime sigurimi duke marrë parasysh se tashme kishte skaduar kontrata e lidhur për këtë shërbim.

Po të njëjtën ditë me dërgimin e njoftimit në KRPP, ishin përgatitur dhe finalizuar të gjitha dokumentet e prokurimit, përfshirë: dosja e tenderit, procesverbali i hapjes, raporti i vlerësimit, njoftimi për dhënie të kontratës si dhe vetë kontrata në vlerë 103,199€ në afat tre mujor.

Mos inicimi i me kohë i tenderit të planifikuar për sigurimin fizik të objekteve të KOSTT, vonesave në ri tenderim pas anulimit të procedurës fillestare, si dhe pezullimi i procedurës së re për shkak të ankesave të operatorëve ekonomik ishin shkak i përdorimit të kësaj procedure.

Ndikimi

Mangësitë e tilla mund të paraqesin shmangie nga parimet e transparencës dhe mund të ndikojnë në eliminimin e konkurrencës dhe rrjedhimisht edhe kufizojnë mundësinë e pranimi të më shumë ofertave me një çmim më të ulët.

Rekomandimi A1

Bordi i Drejtoreve duhet të sigurojë se procedurat e prokurimit fillojnë sipas planit për kontratat që pritet të skadojnë, si dhe të marrin në konsideratë të gjitha pengesat dhe vonesat e mundshme në mënyrë që kontrata të lidhet para skadimit të kontratës aktuale.

Përgjigja e menaxhmentit të entitetit (Pajtohen)

Çështja A2 - Aplikimi i kriterëve të përzgjedhjes si kriterë për dhënien e kontratës**Gjetja**

Neni 52 i Ligjit të Prokurimit Publik, specifikon se vetëm kriteret e matshme dhe të cilat paraprakisht janë përcaktuar në dosjen e tenderit mund të shfrytëzohen për vlerësim. Autoriteti kontraktues mund të përdorë vetëm kriterë që janë relevante në mënyrë direkte me lëndën e kontratës. Kriterë të tilla janë por nuk kufizohen në lidhje me: cilësinë, çmimin, meritat teknike, estetike, dhe karakteristikat funksionale, karakteristikat e mjedisit, shpenzimet rrjedhëse, efektiviteti i kostos, shërbimet e pas-shitjes dhe asistencë teknike. Autoriteti kontraktues duhet të sigurojë që të bëjë një dallim të qartë në mes kriterëve të vlerësimit dhe kriterëve të përzgjedhjes në lidhje me aftësitë e përgjithshme profesionale, financiare dhe teknike të themeluara në bazë të nenit 51 të këtij ligji dhe se nuk ka përsëritje të këtyre dy kategorive të kriterëve.

Po ashtu, neni 25.5 i Rregullores për Prokurim Publik nr. 001/2022 specifikon se kriteret e përzgjedhjes në asnjë mënyrë nuk mund të përdorën si kriterë të dhënies së kontratës, nuk mund të kenë peshë të caktuara, dhe ato janë kërkesa të vlerësimit kalon/nuk kalon. Ndërsa neni 27.5 specifikon se për konkurse të projektimit dhe shërbime të konsulencës kriterë tjerë mund të konsiderohen duke u referuar në nenin 57 (Konkurs të Projektimit) dhe nenin 59 (shërbime të konsulencës) të kësaj rregullore.

Gjatë auditimit të procedurave të prokurimit kemi evidentuar mangësi në përcaktimin e kriterëve në doje të tenderit, si në vijim:

- Për procedurën e prokurimit "Shërbime profesionale të ristrukturimit të kompanisë", me datë 01.08.2024, ndërmarrja kishte publikuar dosjen e tenderit përmes një procedure të hapur me kriter të dhënies çmimi ekonomikisht më i favorshëm. Sipas dosjes së tenderit, në kërkesat për kapacitetin teknik dhe profesional, ofertuesit duhej të dorëzonin listën e ekipit profesional të angazhuar, së bashku me CV-të, kualifikimet dhe kontratat e angazhimit për secilin anëtar të ekipit. Ndërsa, në aneksin 6 të dosjes së tenderit, përvoja specifike e anëtarëve të ekipit, përfshirë udhëheqësin e projektit, specialistin teknik dhe specialistët e tjerë, ishin përcaktuar si nën-kriterë për vlerësim. Për këtë nën-kriter, kërkohej minimum 5 vjet përvojë në projekte me kompleksitet të ngjashëm dhe vlerësimi maksimal i parashikuar ishte 5 pikë. Nën-kriteret për dhënien e kontratës, të bazuara në kriteret e përzgjedhjes, nuk duhet të aplikohen në rastet kur përdoret kriteri ekonomikisht më i favorshëm.

Përveç kësaj, në këtë procedurë të prokurimit kishin ofertuar dy operator ku gjatë procesit të vlerësimit të ofertave, komisioni vlerësues fillimisht kishte konstatuar se njëri nga operatorët ekonomik nuk i plotësonte kriteret e përzgjedhjes dhe rrjedhimisht ishte i papërgjegjshëm. Megjithatë, komisioni kishte vazhduar procesin e vlerësimit sipas kriterëve të dhënies së kontratës dhe i ish-in ndarë pikët përkatëse. Ky veprim mund të ndikojë në procesin e vlerësimit për operatorët e përgjegjshëm, pasi kërkesat ligjore përcaktojnë se vetëm operatorët që kualifikohen në fazën e përzgjedhjes mund të kalojnë në fazën e vlerësimit të kriterëve të dhënies.

Vlen të theksohet, më datë 05.08.2024, KRPP kishte dhënë një rekomandim për rishikimin e dosjes së tenderit, duke sugjeruar që të shqyrtohej kriteret e shërbimeve, pasi nën kriteret e tilla duket se janë të natyrës së shërbimeve të konsulencës. Përkundër kësaj ndërmarrja nuk kishte bërë korrigjimin e kërkuar në dosjen e tenderit.

- Ngjashëm, në procedurën për "Projektimin dhe vlerësimin e riskut nga fatkeqësitë natyrore dhe fatkeqësitë tjera" si nën-kriterë për vlerësim ishin përcaktuar vetëm çmimi dhe afati i realizimit të projektit. Për nën-kriterin e dytë ishte specifikuar se afati më i shkurtër i propozuar do të marrë maksimumin e pikëve, me kufij minimal dhe maksimal prej 60 deri në 90 ditë pune. Afatet kohore ishin përcaktuar edhe tek kushtet dhe kërkesat e dërgesës. Për sa i përket kësaj çështjeje, përdorimi i çmimit dhe afatit të realizimit si kriterë të vlerësimit mund të mos jetë i mjaftueshëm për të përcaktuar tenderin ekonomikisht më të favorshëm. Kjo qasje kufizon vlerësimin gjithëpërfshirës të cilësisë, kapaciteteve teknike, metodologjisë së ofruar apo faktorëve tjerë relevantë që lidhen drejtpërdrejt me objektin e kontratës.

Mangësitë e identifikuar rrjedhin kryesisht nga paqartësi në zbatimin dhe interpretimin e legjislacionit dhe rregulloreve të prokurimit.

Ndikimi Përdorimi i kriterëve të përzgjedhjes si kriterë për dhënien e kontratës dhe mungesa e kriterëve të matshme, përveç që janë në kundërshtim me kërkesat ligjore, cenon parimin e transparencës dhe barazisë në vlerësimin e ofertave. Kjo e bënë procesin e dhënies së kontratës të diskutueshëm dhe të ndjeshëm ndaj ankesave, të cilat tutje ndikojnë në vonesa të panevojshme. Vlerësimi i ofertuesve që nuk janë kualifikuar mund të ndikojë në rezultatin përfundimtar të prokurimit dhe në përzgjedhjen e operatorëve që nuk janë realisht ekonomikisht më të favorshëm.

Rekomandimi A2 Bordi i Drejtorëve të siguroj se aplikimi i kriterëve përkatëse bëhet në harmoni të plotë me kërkesat ligjore duke mundur që të njëjtat të jenë të qarta, të matshme dhe të përcaktuara në mënyrë të detajuar për të garantuar transparencë.

Përgjigja e menaxhmentit të entitetit (Nuk pajtohen)

Me gjerësisht shih Shtojcën I

Çështja A3 - Mos përmbushje e afatit të kontratës nga operatori ekonomik

Gjetja Sipas kushteve të veçanta të kontratës se lidhur me datë 07.11.2024 në mes të ndërmarrjes si autoritet kontraktues dhe operatorit ekonomik për projektin "Furnizim me instrumente dhe vegla speciale për kabllot e tensionit të lartë", në vlerë 117,666€, implementimi i projektit do të fillonte me datën 18.11.2024. Afati i liferimit ishte 3 muaj nga data e fillimit të implementimit të projektit.

Në dosjen e tenderit të datës 08.08.2024, ndërmarrja kishte përcaktuar se afati i implementimit të kontratës do të jetë 3 muaj. Gjatë fazës së tenderimit, një operator ekonomik kishte kërkuar zgjatjen e afatit, duke theksuar se afati i përcaktuar ishte i shkurtër për realizimin e kontratës dhe ka kërkuar një zgjatje prej 14-16 javë. Megjithatë, ndërmarrja nuk kishte bërë asnjë ndryshim në dosjen e tenderit, duke ruajtur afatin e parashikuar të realizimit të kontratës.

Në këtë proces tenderimi, kishin marrë pjesë dy operatorë ekonomikë. Pas vlerësimit të ofertave, fillimisht është shpallur fitues operatorit ekonomik me çmimin më të ulët prej 114,790€. Megjithatë, pas një ankese nga operatori i dytë, autoriteti kontraktues kishte bërë rivlerësimin e ofertës së operatorit të shpallur fitues dhe kishte konstatuar se afati i përmbushjes së kontratës, ishte 6-7 muaj, pra ishte jashtë kërkesave të parashikuara në dosjen e tenderit.

Si rezultat, ndërmarrja kishte pezulluar vendimin për shpalljen e fituesit dhe kishte shpallur fitues operatorin e dytë me çmim 117,540€ i cili ishte i përgjegjshëm. Edhe pse afati i përmbushjes së kontratës ishte deri më 19.02.2025, ndërsa sipas njoftimit të ndërmarrjes me datë 06.05.2025, kontrata akoma nuk ishte realizuar.

Përcaktimi i papërshtatshëm i afatit për realizimin e kontratës, pa u mbështetur në analizë të tregut dhe kompleksitetin e saj, ishte shkaku kryesor i mosrealizimit të kontratës brenda afatit të paraparë.

Ndikimi Vendorsja e një afati të përealizueshëm për përmbushjen e kontratës, pa u bazuar në analizë të tregut dhe pa marrë parasysh paralajmërimet e operatorëve ekonomikë, ka ndikuar në përzgjedhjen e një operatori që nuk kishte arritur ta realizojë kontratën në afatin e caktuar. Si rezultat, ishin shkaktuar vonesa në zbatimin e projektit, duke ndikuar negativisht në përmbushjen me kohë të objektivave të ndërmarrjes. Për më tepër, eliminimi i ofertës më të lirë për arsye të afatit të caktuar ka krijuar mundësi për rritje të panevojshme të kostos, duke cenuar parimin e ekonomicitetit dhe duke ulur vlerën për para.

Rekomandimi A3 Bordi i Drejtorëve duhet të sigurojë që afatet për realizimin e kontratave të përcaktohen vetëm pas vlerësimit të kapaciteteve dhe mundësive të operatorëve ekonomikë për përmbushjen e tyre. Ky proces do të mundësojë realizimin efikas të projekteve dhe do të kontribuojë në shfrytëzimin më të mirë të burimeve të disponueshme.

Përgjigja e menaxhmentit të entitetit (Nuk pajtohen)

Me gjerësisht shih Shtojcën I

Çështja B4 - Mangësitë në planifikimin e kërkesave nga njësitë kërkuuese dhe realizimi jo i duhur i planit të prokurimit

Gjetja Neni 5.1 i Rregullore së Prokurimit Publik thekson se planifikimi i prokurimit është proces i mbledhjes së të dhënave mbi nevojat e autoritetit kontraktues të përmbledhura në dokument me shkrim i cili duhet të përmbajë të gjitha informacionet siç kërkohen në Formularin Standard B01 "Planifikimi i Prokurimit". Po ashtu neni 16 i Ligjit për Prokurimin Publik thekson se autoriteti kontraktues nuk do të zgjedh ose përdor metodën e vlerësimit me qëllim të zvogëlimit të vlerës së kontratës për furnizim nën kufirin e caktuar në nenin 19 për klasifikimin e kontratës publike sipas vlerës së parashikuar; dhe asnjë autoritet kontraktues, nuk do të ndajë kërkesën për prokurim për një sasi të caktuar të produkteve me qëllim të zvogëlimit të vlerës së kontratës për furnizim nën kufirin e caktuar në nenin 19 të këtij ligji.

Gjatë procesit të auditimit kemi vërejtur që për dy projekte të planifikuara ishin realizuar disa procedura të prokurimit:

- “Furnizim me Pjesë Rezervë për Nënstacione” i përfshirë në planin e prokurimit në vlerë të parashikuar 500,000€ ishin iniciuar 6 aktivitete të prokurimit dhe nënshkruar kontratat përkatëse, dhe
- “Furnizim me pjesë rezervë për mirëmbajtje të linjave transmetuese” i përfshirë në planin e prokurimit në vlerë të parashikuar 630,000€ ishin iniciuar 8 aktivitete të prokurimit dhe nënshkruar kontratat përkatëse.

Po ashtu, ndërmarrja kishte zhvilluar disa procedura të ndara prokurimi për kategorinë e furnizimeve brenda të njëjtit vit kalendarik. Sipas raportit të kontratave të realizuara kemi vërejtur se gjatë vitit 2024 ishin lidhur 78 kontrata në vlerë 55,197€ përmes procedurës së vlerës minimale.

Kryesisht furnizimet/shërbimet me vlera minimale ishin për furnizim me pajisjet personale mbrojtëse për ekipet e mirëmbajtjes (në vlerë 2,242€), furnizim me pjesë rezervë për motor sharra (në vlerë 2,415€), servisimi dhe riparimi i automjeteve (në vlerë 5,971€) etj.

Shkaqet e mangësive të identifikuar ishin planifikimi jo i duhur nga njësitë e kërkesës dhe mos arritja e nënshkrimit të kontratave për shkak të vonesave në shqyrtimin e ankesave të operatoreve ekonomik.

Ndikimi

Zhvillimi i shumë aktiviteteve të prokurimit me vlerë të vogël e ngarkon kapacitetin operativ të zyrës së prokurimit dhe ulë efikasitetin e saj. Kjo praktikë mund të cenojë në economicitetin e aktivitetit të prokurimit, për shkak se çmimet e ofertave për sasi më të vogla mund të jenë më të larta se çmimet e ofertave për sasi më të mëdha.

Rekomandimi B4

Bordi i Drejtorëve duhet të siguroj se kërkesat nga njësitë kërkuuese të grupohen në mënyrë që të zhvillohen aktivitete të prokurimit që sigurojnë konkurrencë më të lartë dhe çmime më ekonomike. Po ashtu, të sigurojë një planifikim të detajuar të aktiviteteve të prokurimit i cili do të shmangë në të ardhmen nevojat për ndarjen e kërkesave.

Përgjigja e menaxhmentit të entitetit (Pajtohen)

2.3 Çështjet tjera të menaxhimit financiar dhe të pajtueshmërisë

2.3.1 Stoqet

Vlera e stoqeve e prezantuar në pasqyrën e pozicionit financiar ishte 4,816,000€. Ky zë financiar kryesisht përfshinë pajisje rezervë, materiale të imëta dhe të tjera të cilat janë të lidhura me funksionimin e ndërmarrjes.

Çështja C1 - Mos provizionimi i stoqeve

Gjetja SNK 2 në pikën 28 përcakton që kosto e inventarëve mund të mos jetë e rikuperueshme kur inventarët dëmtohen, janë bërë tërësisht ose pjesërisht të vjetërsuara ose nëse çmimet e shitjes së tyre kanë renë. Kosto e inventarëve mund të mos jetë e rikuperueshme nëse janë rritur kostot e çmuara të përfundimit ose kostot e çmuara që duhet të kryhen për realizimin e shitjes. Praktika e zhvlerësimit të inventarëve poshtë kostos deri në vlerën neto të realizueshme është në koherencë me pikëpamjen që pasurit nuk duhet të mbahen me shuma mbi ato që pritet të realizohen nga shitja apo përdorimi i tyre.

Stoqet e prezantuara në pasqyra financiare ishin në vlerën 4,816,000€, ku prej tyre 4,025,000€ ishin pajisje rezervë. Ndërmarrja për qëllim të sigurisë së sistemit në kuadër të kësaj kategorie mban pajisje rezervë për zëvendësimin e pjesëve të cilat për arsye të ndryshme duhet të zëvendësohen. Megjithatë gjatë testimit të kësaj kategori kemi vërejtur që një numër i lartë i tyre janë regjistruar në regjistrin e stoqeve në periudha më të hershme se 10 vite.

Në 10 raste të testuara, pajisjet në vlerë 447,688€ ishin regjistruar në regjistrin e stoqeve në vitet 2013-17 dhe të njëjtat nuk kishin pasur asnjëherë lëvizje nga depo, e për të cilat ndërmarrja nuk kishte bërë rishikimin e vlerës së tyre. Përveç kësaj, ndërmarrja posedon në regjistër si stoqe pajisje të pranuar nga KEK në procesin e ndarjes dhe disa prej të cilave nuk ishin funksionalizuar asnjëherë.

Si rrjedhojë, edhe pse ndërmarrja kishte miratuar politikën e provizionimit të stoqeve më 14.02.2025, ajo nuk kishte realizuar provizionimin për vitin 2024, duke e lënë këtë proces të papërfunduar që nga viti 2012. Për më tepër, ndërmarrja nuk disponon një sistem të digjitalizuar për menaxhimin e stoqeve në depo, duke e realizuar këtë proces në mënyrë manuale përmes regjistrimit të hyrje/daljeve të artikujve dhe pajisjeve në kopje fizike.

Mosrealizimi i provizionimit të stoqeve për vitin 2024 ishte rezultat i aprovimit me vonesë të politikës për provizionim nga ana e ndërmarrjes.

Ndikimi Mos rishikimi i vlerës së stoqeve që mbahen në depo për periudha relativisht të gjata, mund të ndikoj që vlera e pasurive të jetë e mbivlerësuar në pasqyra financiare vjetore.

Rekomandimi C1 Bordi i Drejtorëve duhet të sigurojë zbatimin e politikës për provizionimin e stoqeve, në mënyrë që provizionimi të kryhet në përputhje me parametrat e përcaktuar në politikë.

Përgjigja e menaxhmentit të entitetit (Pajtohen)

2.3.2 Shpenzimet operative

Shpenzimet operative janë realizuar në shumën 90,216,000€. Ato kanë të bëjnë me shpenzimet nga burimet e ripërtëritshme të energjisë (BRE), shpenzimet e humbjeve të energjisë, shpenzimet e shërbimeve ndihmëse/Rregullimi Sekondar, shpenzimet e humbjeve të energjisë në transimion, shpenzimet e tranzitit të energjisë elektrike, shpenzimet e interesit të huamarrjeve, shpenzimet e mirëmbajtjes së mjeteve themelore, shpenzime administrative dhe shpenzime tjera operative.

Çështja A4 - Mos përdorimi i sistemit të e-prokurimit për modulin e kontratave

Gjetja

Neni 81 i LPP përcakton se autoritetet kontraktuese duhet që si pjesë e përgatitjes së aktivitetit të prokurimit të prodhojnë një plan të menaxhimit të kontratës, duke përfshirë në veçanti çështjet e aspekteve organizative, ekonomike, teknike dhe ligjore të menaxhimit të kontratave. Plani i menaxhimit duhet të jetë i rënë dakord midis palëve të kontratës dhe të nënshkruhet nga ana e tyre para inicimit të zbatimit të kontratës. Ndërsa, sipas nenit 70 të Rregulore për Prokurim Publik nr. 001/2022, të gjithë zyrtarët/ personat e caktuar/emëruar si menaxherë të kontratës si nga ana e AK dhe OE duhet të bëjnë administrimin dhe menaxhimin e implementimit të kontratave në pajtim me manualët për përdorim të modulit për menaxhim të kontratës. Gjithashtu, vlerësimi i performancës së kontraktuesve do të bëhet: i) në sistem të prokurimit elektronik nëpërmjet modulit për vlerësim të performancës së kontraktuesve; ii) nga menaxherët e kontratës dhe mbikëqyrësi i drejtpërdrejtë i menaxherit të kontratës, dhe iii) në pajtim me manualët për përdorim të modulit për vlerësim të performancës së kontraktuesve.

Gjatë testimit të procedurave të prokurimit është evidentuar që autoriteti kontraktues nuk kishte hartuar planet e menaxhimit të kontratës, ndonëse ky veprim është i detyrueshëm sipas legjislacionit përkatës. Këto plane përbëjnë një mjet të rëndësishëm për përcaktimin e qartë të përgjegjësisë, afateve kohore dhe metodës së mbikëqyrjes së zbatimit të kontratës.

Për më tepër, procesi i menaxhimit dhe vlerësimit të kontratave nuk është zhvilluar përmes moduleve përkatëse të platformës elektronike të prokurimit publik, siç parashikohet nga rregulloret në fuqi.

Mangësitë e identifikuar janë si pasojë e mungesës së trajnimit të personelit përgjegjës, si dhe mungesa e zbatimit të rregulloreve dhe udhëzimeve operative nga ana e autoritetit kontraktues.

Ndikimi

Mos hartimi i planeve të menaxhimit si dhe mos shfrytëzimi i modulit për menaxhimin e kontratës dhe vlerësimin e performancës së kontraktuesve përmes sistemit e-prokurimi, ndikon që kontratat të mos mbikëqyren në kohë reale dhe potencialisht rritë rrezikun që shërbimet apo furnizimet të mos ofrohen në kohë ashtu siç është nënshkruar kontrata.

Rekomandimi A4

Bordi i Drejtorëve duhet të sigurojë që menaxhimi i kontratave dhe vlerësimi i performancës së kontraktuesve të realizohet përmes platformës së e-prokurimit.

Përgjigja e menaxhmentit të entitetit (Pajtohen)

3 Progresi në zbatimin e rekomandimeve

Raporti i auditimit për PFV-të të vitit 2023 të KOSTT sha, ka rezultuar në 10 rekomandime kryesore. Entiteti kishte përgatitur një Plan Veprimi ku paraqitet mënyra se si do t'i zbatoj rekomandimet e dhëna.

Deri në fund të auditimit tonë për vitin 2024, pesë (5) rekomandime ishin zbatuar, katër (4) nuk janë zbatuar ende dhe një (1) rekomandim ishte zbatuar pjesërisht, siç është paraqitur në Grafikon 1, më poshtë. Për një përshkrim më të plotë të rekomandimeve dhe mënyrën se si janë trajtuar ato, shihni në Tabelën 1 (ose Tabelën e rekomandimeve).

Grafiku 1. Progresi në zbatimin e rekomandimeve të vitit paraprak




Tabela 1 Përmbledhja e rekomandimeve të vitit paraprak

Nr	Fusha e Auditimit	Rekomandimet e vitit 2023	Veprimet e ndërmarra	Statusi
1.	Baza për opinion	Bordi i Drejtoreve të siguroj se do të kryhen rivlerësimet e pasurive që të sigurohet se vlera e prezantuar e pasurive në pasqyra financiare nuk ndryshon materialisht nga vlera e tyre e drejtë në fund të periudhës raportuese.	Përkundër rekomandimit të dhënë ndërmarrja nuk kishte realizuar procesin e rivlerësimit të pasurive as në vitin 2024.	Nuk është adresuar

2.	Baza për opinion	Bordi i Drejtorëve të siguroj së janë marrë veprimet e nevojshme për trajtimin e çështjeve pronësore të ndërmarrjes dhe të përditësoj regjistrin e pasurisë me gjendjen aktuale duke prezantuar saktë dhe drejt pasurinë afatgjatë të ndërmarrjes.	Edhe pse ishte formuar një komision i cili kishte verifikuar dallimet në mes të sipërfaqeve të pronave në regjister dhe atyre në regjistrat kadastral, nuk ishin bërë harmonizimet e duhura në regjister të pasurive.	Nuk është adresuar
3.	Baza për konkluzion	Bordi i Drejtorëve duhet të siguroj që në rastin e angazhimi të Zyrës Kombëtare të Auditimit për shërbime të auditimit të PFV, të mos bëhen shpenzimet të pa nevojshme për auditim.	Menaxhmenti edhe për vitin 2024 ka vazhduar angazhimin e auditorin privat përkundër asaj që Zyra Kombëtare e Auditimit kishte marrë përsipër hartimin e dy raporteve të auditimit, raportin e auditimit për PFV sipas kërkesave të SNRF-ve dhe raportin e auditimit sipas kërkesave nga udhëzimet rregullative të kontabilitetit të Zyrës së Rregullatorit të Energjisë (ZRRE).	Nuk është adresuar
4.	Baza për konkluzion	Bordi i Drejtorëve duhet të sigurojë funksionim të mirë të komunikimit të brendshëm në mes njësisë kërkuese dhe departamentit të prokurimit. Po ashtu, të sigurojë një planifikim të detajuar të aktiviteteve të prokurimit i cili do të shmangë në të ardhmen nevojat për ndarjen e kërkesave, si dhe do të sigurojë aplikimin e procedurave të duhura.	Edhe gjatë vitit 2024 janë identifikuar raste të ndarjes së kërkesave dhe po ashtu edhe përdorimi i shpeshtë i procedurës së vlerës minimale. Pra, ky rekomandim nuk ishte zbatuar.	Nuk është adresuar

5.	Baza për konkluzion	Bordi i Drejtorëve duhet të siguroj që në rastet e aplikimit të parasë së mbajtur gjatë implementimit të kontratave, pas përfundimit të periudhës garantuese dhe lëshimit të deklaratës së llogarisë përfundimtare, të realizohen pagesat e plota në harmoni me kushtet e kontratës.	Menaxhmenti i ndërmarrjes ka ndërmarrë veprimet e duhura sipas rekomandimit dhe janë bërë korrigjimet përkatëse në pasqyra financiare.	I zbatuar
6.	Baza për konkluzion	Bordi i Drejtorëve duhet të siguroj që gjatë procesit të vlerësimit të ofertave dhe procesit të nënshkrimit të kontratave departamenti i prokurimit kujdeset që janë zbatuar parimet e konkurrencës së mirëfilltë dhe se me kontratë shpërblehet vetëm operatorët e përgjegjshëm.	Gjatë rishikimit të procedurave të prokurimit për vitin 2024, nuk janë vërejtur raste të pjesëmarrjes në një procedurë të prokurimit të operatorëve ekonomik që kanë të njëjtin pronar biznesi.	I zbatuar
7.	Baza për konkluzion	Bordi i Drejtorëve duhet të siguroj që janë forcuar kontrollet në mënyrë që pagesat për shërbimet e kryera nuk tejkalojnë vlerën totale të kategorisë e cila është përcaktuar në bazë të rëndësisë së shërbimit në kategori.	Gjatë procesit të auditimit për vitin 2024 nuk janë identifikuar raste të tejkalimit të vlerës totale të kategorisë tek kontratat kornizë me çmim njësi të peshuar sipas kategorisë. Si rrjedhojë ky rekomandim konsiderohet i zbatuar.	I zbatuar

8.	Stoqet	Bordi i Drejtorëve duhet të siguroj që të hartohet një procedurë e provizionimit të stoqeve mënyrë që provizionimi i tyre të bëhet në bazë të disa parametrave specifik si lëvizshmëria, gjendja fizike, ndërrimet teknologjike etj. Ndërsa për stoqet e vjetra, të cilat nuk pritët që të përdoren në periudhat e ardhshme të përcaktohet trajtimit i tyre i mëtejshëm.	Me datë 14.02.2025 Bordi i Drejtoreve kishte hartuar Politiken për Provizionim të Stoqeve e cila ka për qëllim të përcaktojë kriteret për provizionin të pjesëve rezervë që janë të nevojshme për operacionet e përditshme të kompanisë. Por pavarësisht që është hartuar politika, ndërmarrja nuk kishte bërë provizionim të stoqeve për vitin 2024.	Pjesërisht nuk është i aplikueshëm më
----	--------	--	---	---------------------------------------

9.	Pasuritë afatgjata	Bordi i Drejtorëve të siguroj një rishikim gjithëpërfshirës të regjistrit të pasurisë dhe klasifikimit të pasurive në kategori përkatëse. Po ashtu, duhet të sigurojë që brenda një afati sa më të shkurtër, të ndërmarrë veprime konkrete për të hartuar dhe futur në zbatim rregullore të brendshme për menaxhim të pasurive, ku do të përshkruheshin të gjitha procedurat për regjistrimin dhe përdorimin e pasurive dhe përgjegjësitë të shpërndahen në bazë të një sistemi të qartë dhe të dokumentuar të delegimit.	Me datë 14.02.2025 Bordi i Drejtorëve kishte aprovuar Politiken për Menaxhimin e Pasurive në të cilën është përcaktuar rregullimi i standardeve për dokumentimin, ruajtjen dhe tjetërsimin e pasurisë jo financiare përmes mirëmbajtjes sistematike të regjistrit të pasurive si dhe vendos rregullat sigurinë e pasurive, mbrojtjen nga dëmtimet dhe planifikimin e rritjes apo shtimit të vlerës së pasurive. Po ashtu në këtë politikë janë përshkruar procedurat për regjistrimin dhe përdorimin e pasurive dhe përgjegjësitë të shpërndahen në bazë të një sistemi të qartë dhe të dokumentuar të delegimit.	I zbatuar
10.	Shpenzimet operative	Bordi i Drejtorëve të siguroj se aplikimi i kriterëve përkatëse bëhet në harmoni të plotë me kërkesat ligjore në mënyrë që të rekomandohen për kontratë OE që kanë kapacitetet e nevojshme teknike për realizimin e kontratës.	Gjatë rishikimit të procedurave të prokurimit të vitit 2024 kemi vërejtur që në dosjet e tenderit hartimi i kërkesës për qarkullim nga fusha specifike tek kërkesat mbi mundësitë teknike, ishte bërë sipas kërkesave ligjore.	I zbatuar

Vlora Spanca, Auditore e Përgjithshme



Mehmet Mucaj, Drejtor i Auditimit



Shpresa Zenelaj, Udhëheqëse e ekipit



Valbona Pllana, Anëtare e ekipit



Mimoza Morina, Anëtare e ekipit



Shtojca I: Letër konfirmimi / Komentet e NP-së në gjetjet e raportit të auditimit

Çështja	Komenti i NP-së	Pikëpamja e ZKA-së
Aplikimi i kriterëve të përzgjedhjes si kriterë për dhënien e kontratës	Rregullore për Prokurim Publik 001/2022 (me plotësim/ndryshime) Neni 19.12 “Nëse për dhënien e një kontrate aplikohet kriteri tenderi ekonomikisht më i favorshëm specifikimet teknike përveç kërkesave obligative mund të përmbajnë kërkesa të dëshirueshme funksionale, performancës etj, dhe mbi të cilat tenderuesit vlerësohen. Specifikimet teknike të tilla mund të përcaktohen si nën-kritere (“karakteristikat funksionale”) për tenderin ekonomikisht më të favorshëm.” Vlerësimi i poenëve për OE të diskualifikuar për shkak të kriterëve të përgjegjshmërisë është bërë me qëllim të largimit të dyshimeve/dilemave të operatorëve ekonomikë dhe apo organeve në procedurë ankimore. Përderisa OE i diskualifikuar nuk është shpallur fitues, një hap më tutje në procesin e vlerësimit ka ndodhur vetëm për çështje të krahasueshmërisë së nën kriterëve dhe sigurisë për përzgjedhje të operatorit ekonomikisht më të favorshëm. KRPP ka ofruar një rekomandim dhe KOSTT është përgjigjur duke ofruar sqarimet për rastin konkret. Pas sqarimeve të ofruara, KRPP nuk ka bërë ndonjë reagim tjetër duke konfirmuar kështu qasjen e KOSTT. (shih përgjigjet e dërguara në KRPP)	E gjetura qëndron. Komenti i ndërmarrjes është në kundërshtim me gjendjen faktike të paraqitur në kuadër të kësaj çështjeje. Në asnjë rast nuk është pohuar se autoriteti kontraktues, në rastin e dhënies së një kontrate përmes aplikimit të kriterit të "ofertës ekonomikisht më të favorshme", nuk mund të përfshijë në specifikimet teknike kërkesa të dëshirueshme funksionale, të performancës etj., të cilat më pas mund të përdoren si nën-kritere për vlerësimin e ofertave (në kuptimin e karakteristikave funksionale). Siç dihet, specifikimet teknike apo termat e referencës janë pjesë përbërëse të Aneksit 1 të dosjes së tenderit. Megjithatë, për kontratën në fjalë, ndërmarrja nuk i kishte përdorur këto specifikime teknike si nën-kritere për dhënien e kontratës. Si rrjedhojë, kjo nuk përbën çështje për trajtim në këtë gjetje. Siç mund të shihet edhe në trajtimin e kësaj çështjeje, analiza është bërë në përputhje me nenin 51 (Njoftimi i kriterëve të përzgjedhjes), nenin 52 të Ligjit për Prokurimin Publik (Njoftimi i kriterëve për dhënien e kontratës) si dhe nenin 25.5 të Rregullores për Prokurim Publik nr. 001/2022. Pra, janë analizuar kriteret e përzgjedhjes dhe ato të dhënies së kontratës, pa cenuar nenin 28 të LPP-së (Specifikimet teknike), dhe as nenin e përmendur nga ndërmarrja - 19.12 të Rregullores për Prokurim Publik 001/2022 (me plotësim/ndryshime). Vlen të theksohet se në këtë procedurë, në pjesën që lidhet me kërkesat për kapacitetin teknik dhe profesional, është kërkuar që ofertuesit të dorëzojnë listën e ekipit profesional të angazhuar, së bashku me CV-të, kualifikimet dhe kontratat e angazhimit për secilin anëtar të

	ekipit, pa specifikuar qartë kërkesat lidhur me kohëzgjatjen e përvojës së stafit. Kjo krijon paqartësi në procesin e vlerësimit. Ndërsa tek kriteret e dhënies vetëm ishte shtuar kohëzgjatja e përvojës për kriterin e ngjashëm të aplikuar tek kriteret e përzgjedhjes. Kriteret e përzgjedhjes shërbejnë vetëm për të siguruar që në garë të marrin pjesë vetëm operatorë ekonomikë që posedojnë kapacitete të mjaftueshme profesionale, financiare dhe teknike për të përmbushur kontratën përkatëse. Ndërsa, kriteret e dhënies së kontratës, sipas nenit 52.2 të LPP-së, duhet të lidhen ngushtë me objektin e kontratës, përkatësisht me punët, furnizimet apo shërbimet që do të ofrohen, dhe këtë në çdo aspekt dhe në çdo fazë të ciklit të jetës së kontratës. Sipas nenit 52 të LPP-së, autoriteti kontraktues duhet të sigurojë një ndarje të qartë ndërmjet kriterëve të përzgjedhjes dhe kriterëve të dhënies së kontratës, duke shmangur përsëritjen apo përzierjen e tyre. Kërkesat ligjore të përcaktuara në nenet 56 dhe 60 të LPP-së, nenin 27 të Rregullores për Prokurim Publik dhe nenin 9 të udhëzuesit Nr. 001/2023 për Prokurim Publik, e mbështesin më tej gjetjen e trajtuar në këtë rast. Sa i përket këtij komenti, fakti që ndërmarrja ka ndërmarrë një veprim të tillë vetëm me arsyetimin për të larguar dyshimet e operatorit në fjalë, jo vetëm që përbën shkelje të dispozitës përkatëse të Rregullores për Prokurim Publik, por gjithashtu krijon rrezik real për trajtim të pabarabartë ndaj operatorëve të tjerë ekonomikë duke ndikuar në procesin e vlerësimit dhe në transparencën e tij. Specifikimet teknike / Termat e referencës të hartuara nga ndërmarrja më datë 20.03.2024 përputhen me kërkesat e nenit 56 të Rregullores për Prokurim Publik (për
--	--

		shërbimet konsulente). Gjithashtu, kriteret e dhënies së kontratës, të përcaktuara në Aneksin 6 të dosjes së tenderit, korrespondojnë me nenin 56.14, ku parashihet që vlerësimi i propozimeve teknike duhet të kryhet menjëherë, duke marrë parasysh disa kriteret, si: (i) përvoja përkatëse e këshilltarit; (ii) cilësia e metodologjisë së propozuar; (iii) kualifikimet e stafit kryesor të propozuar; dhe (iv) transferimi i dijenisë, në rast se kërkohet. Pra, termat e referencës dhe kriteret e dhënies janë aplikuar në përputhje me mënyrën e parashikuar për shërbimet konsulente, ndërsa ndërmarrja kishte zhvilluar procedurën e hapur të prokurimit për shërbime.
Mos përmbushje e afatit të kontratës nga operatori ekonomik	KOSTT Sh.A si Autoritet Kontraktues ka respektuar rregullat dhe afatet e parashikuara në dokumentet e tenderit, duke përcaktuar një afat prej 3 muajsh për realizimin e kontratës, në përputhje me nevojat teknike dhe planet operative të ndërmarrjes. Pavarësisht kërkesës së një OE për zgjatjen e afatit gjatë fazës së tenderimit, autoriteti ka vendosur të mos ndryshojë afatin, pasi kërkesa nuk përfaqësonte qëndrimin e përgjithshëm të tregut, por një vlerësim individual të një OE-je. Për më tepër, kontrata në fjalë është ende aktive dhe nuk është përmbyllur. Për shkak të vonesës së OE fitues në përmbushjen e kontratës, KOSTT është në proces të vlerësimit të vonesave dhe aplikimit të penalizimeve për vonesa, në përputhje me dispozitat kontraktuale dhe nenet përkatëse të Ligjit për Prokurimin Publik. (shih dëshminë e bashkangjitur)	E gjetura qëndron. Ndërsa ndërmarrja ka dhënë një sqarim lidhur me veprimet që planifikon të ndërmarrë për adresimin e kësaj çështjeje.

Mos rivlerësimi i pasurive të ndërmarrjes	KOSTT ka trashëguar pasuri nga KEK-u që janë regjistruar në kontabilitet me vlerat e raportuara në kohën e ndarjes institucionale, sipas dokumentacionit të dorëzuar nga KEK. Mangësitë eventuale në rivlerësim janë pasojë e paqartësive pronësore dhe mungesës së kuadrit të plotë ligjor për trajtimin e pasurive të trashëguara. Ndërmarrja është e angazhuar në një proces të brendshëm për rivlerësim gradual në bashkëpunim me institucione publike dhe të pavarura për pronën.	E gjetura qëndron. Ndërmarrja është pajtuar me gjetjen mirëpo ka dhënë arsye plotësuese lidhur me çështjen e prezantuar.
Mos përditësimi i regjistrin të pasurisë me ndryshimet e ndodhura ndër vite për pronat e paluajtshme	Mospërputhjet në regjistrin e pasurive vijnë si pasojë e strukturës së ndërlikuar të pronave të trashëguara nga KEK, për të cilat KOSTT nuk ka pranuar dokumentacion pronësor. Rrjedhimisht, 11 apartamente të administruara aktualisht nga KOSTT nuk janë të verifikuara juridikisht për mungesë dokumentacioni; 14 njësi të tjera banesore janë ndërtuar brenda kufijve të nënstacioneve dhe konsiderohen si pasuri të ndërmarrjes, ndonëse disa janë objekt kontestimi gjyqësor. KOSTT do të bëjë krahasim me fletët poseduese dhe do të ndërmarrë veprime për zgjidhje dhe përditësim të regjistrin.	E gjetura qëndron. Ndërmarrja është pajtuar me gjetjen. Megjithatë, komenti i dhënë përmban vetëm sqarime të cilat janë të inkorporuara në kuadër të çështjes.
Mos përdorimi i sistemit të e-prokurimit për moduln e kontratave	KOSTT e pranon të gjeturën e auditorit dhe konstaton se moszbatimi i dispozitave për hartimin e planit të menaxhimit të kontratës dhe përdorimin e	E gjetura qëndron. Ndërmarrja pajtohet me të gjeturën, ndërsa arsyet e dhëna në këtë koment janë trajtuar

	moduleve përkatëse të platformës elektronike vjen si pasojë e mungesës së trajnimeve adekuate dhe teknike të stafit përgjegjës, sidomos gjatë periudhës së fillimit të zbatimit të Rregullores Nr. 001/2022 dhe moduleve të reja elektronike në KRPP. Megjithatë, vlerësojmë se kjo mospërputhje administrative nuk ka ndikuar në cilësinë dhe efektivitetin e menaxhimit të kontratave në praktikë. Për secilën kontratë të nënshkruar, KOSTT ka emëruar zyrtarisht Menaxherin e kontratës, dhe Mbikëqyrësin e menaxherit të kontratës, në përputhje me Ligjin për Prokurimin Publik, duke siguruar mbikëqyrje të drejtpërdrejtë dhe të strukturuar gjatë gjithë ciklit të kontratës. Detyrat e tyre janë zbatuar me përpikëri përmes mekanizmave të brendshëm të KOSTT, përfshirë kontrollet teknike, raportimet periodike, dhe dokumentimin fizik të performancës së operatorëve ekonomikë. Për më tepër, KOSTT ka filluar ndërmarrjen e hapave për të adresuar boshllëkun në përputhshmëri, dhe së shpejti do të realizojë koordinimin me KRPP për përfshirje në trajnimet për përdorimin e moduleve për menaxhim dhe vlerësim të performancës së kontratave.	dhe sqaruar edhe nga ana jonë në kuadër të çështjes.
--	--	---

OPERATOR SISTEMI TRANSMISIONI DHE TREGU KOSTT sh.a
TRANSMISSION SYSTEM AND MARKET OPERATOR KOSTT J.S.C
OPERATOR SISTEMA PRENOSA I TRŽIŠTA KOSTT d.d

Nr. 1572 Dt. 20.06.2025
PRISHTINË-A

OPERATOR SISTEMI TRANSMISIONI DHE TREGU SH.A
TRANSMISSION SYSTEM AND MARKET OPERATOR J.S.C
OPERATOR SISTEMA, PRENOSA I TRŽIŠTA A.D.



LETËR E KONFIRMIMIT


Për pajtueshmërinë me gjetjet e Auditorit të Përgjithshëm për vitin 2024 dhe për zbatimin e rekomandimeve

Për: Zyrën Kombëtare të Auditimit

Të nderuar,

Përmes kësaj shkrese, konfirmoj se:

- kemi pranuar draft raportin e Zyrës Kombëtare të Auditimit për auditimin e Pasqyrave Financiare të “KOSTT” sh. a., për vitin 2024 (në tekstin e mëtejshëm “Raporti”);
- pajtohem me gjetjet dhe rekomandimet e Raportit, përveç mospajtimit të shprehur lidhur me çështjen nr. A2 paragrafi 1 dhe paragrafi 3, si dhe pajtimin të pjesshëm në raport me paragrafin 2 të së njëjtës çështje dhe çështjen A3. Gjithashtu, theksojmë se nuk kemi komente shtesë jashtë atyre të pasqyruara në shtojcën e komenteve për përmbajtjen e Raportit.
- brenda 30 ditëve nga pranimi i Raportit final, do t’ju dorëzoj një plan të veprimit për zbatimin e rekomandimeve, i cili do të përfshijë afatet kohore dhe stafin përgjegjës për zbatimin e tyre.


Dr. Gëzim Tosuni

Kryesues i Bordit të Drejtoreve “KOSTT” sh. a.,

Data: 20.06.2025

Shënimet fundore

¹ Pajtueshmëria me autoritetet - pajtueshmëria me të gjitha ligjet, rregullat, rregulloret, standardet dhe praktikat e mira relevante.

² Kolektivisht të referuara si pajtueshmëri me autoritetet

KOSTT SH.A.
PASQYRAT FINANCIARE PËR VITIN E PËRFUNDUAR MË 31 DHJETOR 2024

PASQYRA E POZICIONIT FINANCIAR
MË 31 DHJETOR 2024

	Shënimet	31 dhjetor 2024 EUR'000	31 dhjetor 2023 EUR'000
PASURITË			
PASURITË AFATGJATA			
Prona, impiantet dhe paisjet	4	119,634	122,384
Pasuritë e paprekshme	5	122	275
Investimet në shoqëri	6	229	362
Investimet financiare	7	40	40
GJITHSEJ PASURITË AFATGJATA		120,025	123,061
PASURITË AFATSHKURTËRA			
Stoqet	8	4,816	4,595
Llogaritë e arkëtueshme tregtare dhe të tjera	9	59,266	61,296
Tatimi i arkëtueshem mbi të ardhurat e korporatave		34	32
Depozitat me afat	10	2,400	4,800
Paraja dhe ekuivalentet e parasë	11	33,420	26,747
GJITHSEJ PASURITË AFATSHKURTËRA		99,936	97,470
GJITHSEJ PASURITË		219,961	220,531
EKUITETI DHE DETYRIMET			
EKUITETI			
Kapitali aksionar	12	25	25
Rezervat e transferimit	13	53,377	53,377
Fitimet e mbajtura		48,315	30,127
GJITHSEJ EKUITETI		101,718	83,529
DETYRIMET			
DETYRIMET AFATGJATE			
Grantet e shtyra	14	37,948	36,850
Detymimet e shtyera tatimore		6,378	6,380
Huatë	15	15,902	21,309
GJITHSEJ DETYRIMET AFATGJATE		60,228	64,539
DETYRIMET AFATSHKURTËRA			
Huatë	15	5,276	5,145
Të pagueshmet tregtare dhe të tjera	16	52,739	67,318
GJITHËSEJ DETYRIMET AFATSHKURTËRA		58,015	72,463
GJITHSEJ DETYRIMET		118,243	137,002
GJITHSEJ EKUITETI DHE DETYRIMET		219,961	220,531

Këto pasqyra financiare janë miratuar nga Bordi i Drejtorëve të Kompanisë më 13 mars 2025 dhe janë nënshkruar në emër të tij nga:

Evetar Zeqiri

Kryeshef ekzekutiv

Nebih Haziri

Zyrtar kryesor financiar

**PASQYRA E TË ARDHURAVE GJITHËPËRFSHIRËSE
PËR VITIN E PËRFUNDUAR MË 31 DHJETOR 2024**

	Shënimet	2024 EUR'000	2023 EUR'000
Shitjet	17	53,466	36,800
Të ardhurat e tjera	18	9,746	9,141
Të ardhurat nga burimet e energjisë së ripërtëtitshme, neto	19	4,114	(5,131)
GJITHSEJ TË ARDHURAT		67,326	40,810
Të ardhura të tjera nga grantet	20	14,894	18,193
Lirimi/(ngarkesa) për provizionim të llogarive të arkëtueshme	9	177	2,276
Humbja e energjisë	21	(13,074)	(35,731)
Zhvlerësimi dhe amortizimi	4,5	(13,337)	(14,817)
Shpenzimet tjera operative	22	(29,148)	(21,253)
Shpenzimet e personelit	23	(6,413)	(5,258)
Riparimi dhe mirëmbajtja	24	(816)	(506)
FITIMI(HUMBJA)NGA OPERACIONET		19,608	(16,286)
Të ardhurat financiare	25	135	889
Shpenzimet financiare		(1,424)	(1,612)
Shpenzimet financiare/Të ardhurat		(1,290)	(723)
Pjesa e fitimit/humbjes në shoqëri	6	(133)	(255)
FITIMI (HUMBJA) PARA TATIMIT		18,185	(17,264)
Shpenzimet e tatimit në fitim	26	3	159
FITIMI (HUMBJA) PËR VITIN		18,188	(17,105)
Të ardhura të tjera gjithëpërfshirëse		-	-
Te ardhurat nga ndryshimet në rezerva		-	9
GJITHSEJ TË ARDHURAT (HUMBJA) GJITHËPËRFSHIRËSE PËR VITIN		18,188	(17,105)

PASQYRA E NDRYSHIMEVE NË EKUITET
PËR VITIN E PËRFUNDUAR MË 31 DHJETOR 2024

	Kapitali aksionar EUR '000	Rezervat e rivlerësimit EUR '000	Fitimet e mbajtura EUR '000	Gjithësej EUR '000
MË 01 JANAR 2024	25	53,377	30,128	83,530
Transaksioni me pronarin	-	-	-	-
Fitimi për vitin	-	-	18,188	18,188
Të ardhura të tjera gjithëpërfshirëse:	-	-	-	-
Gjithsej të ardhurat tjera gjithëpërfshirëse	-	-	-	-
MË 31 DHJETOR 2024	25	53,377	48,316	101,718
MË 01 JANR 2023	25	53,377	47,233	100,635
Transaksioni me pronarin	-	-	-	-
Fitimi për vitin	-	-	(17,105)	(17,105)
Të ardhura të tjera gjithëpërfshirëse:	-	-	-	-
Gjithsej të ardhurat tjera gjithëpërfshirëse	-	-	-	-
MË 31 DHJETOR 2023	25	53,377	30,128	83,530

PASQYRA E RRJEDHËS SË PARASË
PËR VITIN E PËRFUNDUAR MË 31 DHJETOR 2024

	Shënimet	2024 EUR'000	2023 EUR'000
AKTIVITETET OPERATIVE			
Fitimi/(humbja) para tatimit		18,185	(17,264)
Rregulluar për:			
Zhvlerësimi dhe amortizimi	4,5	13,337	14,817
Të ardhurat nga interesi		(135)	(889)
Shpenzimet e interesit		1,424	1,612
Provizionet dhe detyrimet tjera		750	197
Provizionet për llogari të arkëtueshme		(177)	(2,276)
Të shlyera - jashtë përdorimi		55	26
Dëmtimi i investimeve në shoqëri		133	255
Të ardhurat e shtyra nga grantet		(14,894)	(18,193)
<i>Të ardhurat(humbja) operative para ndryshimeve në kapitalin qarkullues</i>		18,678	(21,715)
Ndryshimet në kapitalin qarkullues:			
Stoqet		(221)	(188)
Llogaritë e arkëtueshme tregtare dhe të tjera		2,157	24,485
Detyrimet tregtare dhe të tjera		(15,112)	(16,621)
Fitimi/(humbja) nga operacionet pas ndryshimeve në kapitalin qarkullues		5,501	(14,040)
Tatimi mbi fitimin (I paguar)		(44)	(42)
Paraja e gjeneruar nga aktivitetet operative		5,457	(14,082)
AKTIVITETET INVESTUESE			
Interesi i arkëtuar		91	68
(Blerja) e pronës, pajisjeve dhe pasurive të paprekshme		(4,450)	(4,195)
Pagesë e depozitave me afat/Arketim		2,400	-
Paraja e gjeneruar nga aktivitetet investive		(1,959)	(4,126)
AKTIVITETET FINANCUESE			
Interesi (i paguar)		(1,424)	(1,612)
Pagesë e huazimeve		(5,276)	(32,585)
Huatë e pranuar		-	-
Të ardhurat nga Grantet		9,875	11,880
Paraja e gjeneruar nga aktivitetet financuese		3,174	(22,317)
NDRYSHIMI NETO NË PARA DHE EKUVALENTËT E PARASË			
Paraja dhe ekuivalentet e parasë në fillim		6,673	(40,526)
PARAJA DHE EKUVALENTET E PARASË NË FUND	11	26,747	67,273
		33,420	26,747

SHËNIMET

	Faqe
1 Informata të përgjithshme	10
2 Përmbledhje e politikave kontabël të rëndësishme	10
3 Gjykime të rëndësishme dhe burime kyçe të të pasigurisë në vlerësim	21
4 Prona, impiantet dhe pajisjet	22
5 Pasuritë e paprekshme	23
6 Investimet në shoqëri	23
7 Investimet financiare	24
8 Stoqet	25
9 Të arkëtueshme tregtare dhe të tjera	25
10 Depozitat me afat	26
11 Paraja dhe ekuivalentet e parasë	26
12 Kapitali aksionar	26
13 Rezerva e transferit	26
14 Grantet e Shtyra	27
15 Huatë	28
16 Detyrimet tregtare dhe të tjera	29
17 Të ardhurat	30
18 Të ardhurat e tjera operative	30
19 Të ardhurat/Shpenzimet nga burimet e ripërtëritshme të energjisë	30
20 Të ardhurat tjera nga Grantet	30
21 Humbja e Energjisë	30
22 Shpenzimet e tjera operative	31
23 Shpenzimet e personelit	31
24 Riparimet dhe Mirëmbajtjet	32
25 Të ardhurat dhe shpenzimet financiare	32
26 Shpenzimet e tatimit mbi fitimin	32
27 Instrumente Financiare sipas kategorive	33
28 Matja e vlerës së drejtë	33
29 Informacion mbi rreziqet financiare	35
30 Menaxhimi i riskut kapital	37
31 Palët e lidhura	38
32 Zotimet dhe kontingjencat	39
33 Ngjarjet pas datës raportuese	39

SHËNIME PËR VITIN QË PËRFUNDON MË 31 DHJETOR 2024

1 INFORMATA TË PËRGJITHSHME

Operator Sistemit Transmisioni dhe Tregut (këtu e tutje "Kompania" ose "KOSTT Sh.A") u themelua si një entitet i pavarur më 23 dhjetor 2005 nga transformimi i Korporata Energjetike e Kosovës ("KEK") dhe u regjistrua si një kompani aksionare Rregullorja e UNMIK-ut Nr. 2001/6 e datës 8 Shkurt 2001 mbi Organizatat e Biznesit ("Rregullorja") me numrin e regjistrimit të biznesit 70325350. Kompania filloi punën e saj në mënyrë të pavarur nga 1 korriku 2006 sipas marrëveshjes midis KEK Sh.A. dhe KOSTT Sh.A. në lidhje me marrëdhënien kalimtare, tregtare dhe operacionale midis KEK SH.A dhe KOSTT SH.A mbi transferimin e përgjegjësisë për operacionet dhe mirëmbajtjen e Rrjetit të Transmetimit të KOSTT SH.A. Adresa e zyrës së regjistruar të Kompanisë është "Ndërtesa e Transmisionit dhe Dispečimit, Isa Boletini Nr. 39, 10000, Prishtinë, Republika e Kosovës. Kosova shpalli pavarësinë e saj më 17 shkurt 2008. Në përputhje me Ligjin Nr. 03 / L-087 të datës 13 Qershor 2008 mbi "Ligjin për Ndërmarrjet Publike", Sistemi i Transmisionit dhe Operatori i Tregut SH.A. është pronë e Republikës së Kosovës.

Pas përzgjedhjes së Kryesuesit dhe Drejtoreve të Bordit të Drejtoreve në Dhjetor të vitit 2024 janë bërë përditësimet e nevojshme në Statutin e Kompanisë.

Aktivitetet kryesore të Kompanisë janë menaxhimi dhe funksionimi i sistemit të transmisionit të energjisë elektrike në Kosovë dhe janë përgjegjës për transmetimin e energjisë elektrike në rrjetet kryesore elektrike të tensionit të lartë. Si një operator i tregut Kompania është gjithashtu përgjegjëse për organizimin dhe administrimin e tregtisë në energji elektrike. .

Me vendimin e Qeverisë së Republikës së Kosovës nr.0//236 të datës 11.12.2024 KOSTT merr kompetencat e Operatorit të Energjisë së Ripërtëritshme (OER) .

Më 31 dhjetor 2024 Kompania ka 361 punonjës (2023: 345).

2 PËRMbledhje e politikave kontabël të rëndësishme

Politikat kryesore të kontabilitetit të miratuara gjatë përgatitjes së këtyre pasqyrave financiare janë dhënë më poshtë.

2.1 Baza e përgaditjes dhe deklarata e pajtueshmërisë

Këto pasqyra financiare janë përgatitur mbi bazën e parimit të vijimësisë dhe në përputhje me Standardet Ndërkombëtare të Raportimit Financiar ("SNRF"), duke qenë standarde dhe interpretime të lëshuara nga Bordi i Standardeve Ndërkombëtare të Kontabilitetit ("BSNEK").

Pasqyrat financiare janë përgatitur duke përdorur bazat e matjes të specifikuar nga SNRF-të për secilin lloj të pasurisë, detyrimit, të ardhurave dhe shpenzimeve. Bazat e matjes janë përshkruar më plotësisht në politikat e kontabilitetit më poshtë.

Përgatitja e pasqyrave financiare në përputhje me SNRF-të kërkon përdorimin e vlerësimeve të caktuara kritike të kontabilitetit. Ai gjithashtu kërkon që menaxhmenti të ushtrojë gjykimin e tij në procesin e zbatimit të politikave të kontabilitetit të Kompanisë. Fushat që përfshijnë një shkallë më të lartë gjykimi ose kompleksiteti, ose fushat ku supozimet dhe vlerësimet janë të rëndësishme për pasqyrat financiare janë shpalosur në Shënimin 3: Gjykimi i rëndësishëm dhe burimet kryesore të pasigurisë së vlerësimit.

Pasqyrat financiare janë përgatitur për vitet e përfunduara më 31 dhjetor 2024 dhe 2023. Të dhënat aktuale dhe krahasuese të shprehura në këto pasqyra financiare shprehen në mijëra Euro, përveç nëse përcaktohet

ndryshe. Kur është e nevojshme, shifrat krahasuese janë riklasifikuar për t'u përshtatur me ndryshimet në prezantim për vitin.

Pasqyrat financiare paraqiten në Euro ("EUR"), e cila është monedha prezantuese dhe funksionale e Kompanisë.

2.2 PARIMI VIJIMËSISË

Gjatë vitit financiar aktual, Kompania ka raportuar një fitim prej 18,188 mijë euro krahasuar me një humbje prej 17,105 mijë euro në vitin paraprak. Gjatë vitit 2024, qeveria ka dhënë grante në vlerë prej 9,875 mijë euro, e cila mbuloi një pjesë të humbjeve të shkaktuara të energjisë në komunat veriore. Menaxhmenti e ka ngritur këtë çështje në Kuvendin e Kosovës dhe në Qeverinë e Kosovës dhe aktualisht është në pritje të një vendimi për kompenzimin e kostove të pa mbuluara për pjesën veriore të Kosovës.

Nga janari i vitit 2024 obligimin për furnizimin me energji për pjesën veriore të Kosovës e ka kompania Elektroserver dhe KOSTT është liruar nga ky obligim sipas vendimit të ZRrE.

Menaxhmenti po monitoron nga afër këta faktorë të mësipërm dhe do të vazhdojë të zbatojë masat e duhura për të zbutur ndikimin e tyre të mundshëm në operacionet dhe performancën financiare të Kompanisë.

Bazuar në performancën aktuale financiare të Kompanisë dhe veprimet e ndërmarra nga drejtimi për të ruajtur supozimin e vazhdimësisë, menaxhmenti beson se është e përshtatshme të përgatiten pasqyrat financiare mbi bazën e vijimësisë.

2.3 STANDARDET E REJA APO TË NDRYSHUARA KONTABËL DHE INTERPRETIMET E ADOPTUARA

a) Standardet, interpretimet dhe ndryshimet e reja të miratuara nga 1 janari 2024

Ndryshimet e mëposhtme të standardeve ekzistuese të publikuara nga Bordi i Standardeve Ndërkombëtare të Kontabilitetit të cilat janë efektive për periudhën raportuese:

- Klasifikimi i detyrimeve si afatshkurtëra dhe afatgjata (Amandamentet e SNK 1)
- Detyrimi i qirasë në një shitje dhe kthimi me qira (Ndryshimet në SNRF 16)
- Marrëveshjet financiare të furnizuesit (Ndryshimet në SNK 7 dhe SNRF 7)
- Detyrimet afatgjata me marrëveshje (Ndryshimet në SNK 1)

Ndryshimet dhe standardet e tjera të përmendura më sipër nuk kanë ndikim domethënës që aplikohen në Kompani.

b) Standardet dhe interpretimet efektive në periudhën aktuale (vazhdim)

Ekzistojnë një numër standardesh, ndryshime në standarde dhe interpretime të cilat janë publikuar nga BSNK por ende nuk janë efektive për periudhën e raportimit dhe si të tilla nuk janë aplikuar akoma nga Kompania.

- Mungesa e shkëmbyeshmërisë (Ndryshimet në SNK 21)
- Ndryshime në Klasifikimin dhe Matjen e Instrumenteve Financiare (Ndryshime sipas SNRF 9 dhe 7)
- SNRF 18 "Prezantimi dhe shpalosja në pasqyrat financiare"
- SNRF 19 'Filiale pa Përgjegjësi Publike: Dhënia e informacioneve shpjeguese'

Kompania ka zgjedhur të mos miratojë këto standarde, rishikime dhe interpretime përpara datës së hyrjes në fuqi. Kompania parashikon që miratimi i këtyre standardeve, rishikimeve dhe interpretimeve nuk do të ketë ndikim material në pasqyrat financiare të Kompanisë në periudhën e aplikimit fillestar

2.4 NJOHJA E TË ARDHURAVE

E hyra nga shitja njihet në shumën që reflekton vlerësimin për të cilën kompania pritët të jetë e thirrur në shkëmbimin e të mirave apo shërbimeve të klientit. Për çdo kontratë me klient, kompania: identifikon kontratën me klientin; identifikon obligimet në kontratë; përcakton çmimin e transaksionit që merr në llogari vlerësimet e ndryshme dhe vlerën në kohë të parasë; alokon çmimin e transaksionit për detyrimet e veçanta në bazë të çmimit të shitjes së pavarur të çdo malli apo shërbimi që do të dërgohet, dhe njeh të hyrat kur ose secili obligim është përfunduar në një mënyrë që përshkruan transferin e mallrave ose shërbimeve të premtuara.

Vlerësimet e ndryshme brenda çmimit të transaksionit, nëse ka, reflektojnë koncesionet të siguruara të klientit siç janë zbritjet, rabatet dhe rimbursimet, çdo bonus potencial i arkëtueshëm nga klienti dhe çdo ngjarje tjetër kontingjente. Vlerësimet e tilla përcaktohen duke përdorur ose metodën e 'vlerës së pritur' ose metodën e 'vlerës më të mundshme për të ndodhur'. Matja e vlerësimeve të ndryshme i nënshtrohet një parimi kufizues prej ku shitja do të njihet vetëm deri në shkallën që është shumë e mundshme që një kthim domethënës në vlerën e grumbulluar të shitjes nuk do të ndodhë. Vlerësimi i kufizuar vazhdon derisa pasiguria e shoqëruar me vlerësimin e ndryshëm zgjidhet më pas. Shumat e pranuar që i nënshtrohen parimit të kufizuar njihen fillimisht si të hyra të shtyra në formë të një detyrimi të ndarë rimbursues.

Të ardhurat nga Sistemi i Transmisionit

Të ardhurat nga Sistemi i Transmisionit janë të ardhura nga tarifat për transmetimin e energjisë përmes rrjetit të transmisionit. Të ardhurat nga operatori i sistemit janë kryesisht të ardhura me Kompanin e Furnizimit me Energji Elektrike të Kosovës (KESCO). Tarifat e ngarkuara janë për shërbimet e mirëmbajtjes dhe zhvillimit të transmetimit të energjisë elektrike.

Të ardhurat nga Operatori i Sistemit

Të ardhurat nga Operatori i Sistemit janë të ardhurat nga tarifat të cilat gjenerohen për funksionimin e sistemit. Të ardhurat atje janë kryesisht nga Korporata Energjetike e Kosovës (KEK) dhe KESCO. Tarifat tarifohen për operacione efikase të rrjetit, përfshirë rrjetin ndërkombëtar.

Të ardhurat nga Operatori i Tregut

Të ardhurat nga Operatori i Tregut janë të ardhurat e gjeneruara nga funksionimi i tregut në përputhje me ligjin për energjinë dhe gjithashtu nga shërbimet nga administrimi i tregut të centralizuar të energjisë elektrike në Kosovë. Të hyrat përfshijnë gjithashtu shërbimet për balancimin e bilanceve jo-energjetike.

Të ardhurat nga Burimet e Ripërtëritshme të Energjisë (BRE)

Ligji për Energjinë Elektrike LIGJI Nr. 05 / L - 085 ndër të tjera detyron Operatorin e Tregut për shitjen dhe blerjen e energjisë elektrike të prodhuar nga BRE. Në këtë kontekst, Zyra e Rregullatorit të Energjisë ka miratuar Rregulloren për Skemën e Mbështetjes, e cila përcakton që Gjeneruesit e BRE-ve të pranuar në Skemën e Mbështetjes ose nën Kornizën e Rregulluar kanë të drejtë të shesin gjenerimin e tyre të energjisë elektrike tek Operatori i Tregut, përmes Marrëveshjes së Blerjes së Energjisë

Interesi

E hyra nga interesi njihen kur interesi ndodh duke përdorur metodën e interesit efektiv. Kjo është një metodë e kalkulimit të kostos së amortizuar së një pasurie financiare dhe e alokimit të hyrave të interesit nëpër

periudhën relevante duke përdorur normën e interesit efektiv, normë e cila saktësisht zbrit pranimet e keshit të parashikuara përmes pritshmërisë së pasurisë financiare për vlerën neto kontabël të pasurisë financiare.

Të ardhura të tjera

Të ardhurat e tjera njihen kur pranohen ose kur përcaktohet e drejta për të marrë pagesa.

2.5 SHPENZIMET OPERATIVE

Shpenzimet e operimit njihen në pasqyrën e të ardhurave gjithëpërfshirëse gjatë përdorimit të shërbimit ose në datën e origjines.

2.6 HUMBJET E ENERGJISË

Humbja në transmisionin e energjisë njihet në kohën e ndodhjes dhe llogaritet në bazë mujore. Humbjet e energjisë elektrike në rrjetin e transmisionit paraqiten si një ndryshim midis energjisë elektrike të matur në hyrjen e rrjetit të transmisionit dhe energjisë së matur në daljen e rrjetit të transmisionit. Diferenca llogaritet në baza mujore. Bazuar në diferencën e matur, humbjet faturohen dhe kompania është përgjegjëse për kompensimin e shumave të faturuara.

2.7 KLASIFIKIMI AFATSHKURTËR DHE AFATGJATË

Pasuritë dhe detyrimet janë të paraqitura në pasqyrën e pozitës financiare duke u bazuar në klasifikimin afatshkurtë dhe afatgjatë. Një pasuri klasifikohet si afatshkurtë kur: ose pritët të realizohet prej saj ose qëllimi është për t'u shitur ose për t'u konsumuar në ciklin normal operativ; mbahet për qëllime primare të tregtimit; pritët të realizohet brenda 12 muajve pas periudhës raportuese; ose pasuria është kesh apo ekuivalent i keshit përveç nëse ndalohet për t'u këmbyer apo për t'u përdorur për kryerjen e një detyrimi për më së paku 12 muaj pas periudhës raportuese. Të gjitha pasuritë tjera klasifikohen si afatgjatë. Një detyrim klasifikohet si afatshkurtë kur: ose pritët të kryhet në ciklin normal operativ; mbahet për qëllime primare të tregtimit; pritët të kryhet brenda 12 muajve pas periudhës raportuese; ose nuk ka të drejtë të pakushtëzuar për ta shtyrë kryerjen e detyrimit për më së paku 12 muaj pas periudhës raportuese. Të gjitha detyrimet tjera klasifikohen si afatgjatë.

Tatimi i shtyrë si pasuri dhe detyrime gjithnjë klasifikohet si afatgjatë.

2.8 PRONA, IMPIANTET DHE PAJISJET

Zërat e ndërtesave, impianteve dhe paisjeve më 1 Janar 2006 janë rideklaruar me koston e konsideruar minus amortizimin dhe zhvlerësimin e akumuluar, ndërsa zërat e ndërtesave pronave dhe paisjeve të blera pas 1 janarit 2006 deklarohen me kosto minus amortizimin dhe zhvlerësimin e akumuluar, nëse ka.

Kostoja e konsideruar përfaqëson vlerat fillestare të pasurive të vlerësuara nga një konsulent i pavarur në kohën e shndërrimit nga një Korporatë në një Shoqëri Aksionare më 1 Janar 2005. Këto pasuri njihen si një kontribut transfer i pasurive nga KEK SH.A. në data e korporatës (Shënimi 13).

Shuma e mbajtur për secilin komponent të llogaritur për, si pasuri e ndarë nuk njihet kur zëvendësohet. Të gjitha rregullimet dhe mirëmbajtjet janë të ngarkuara me fitim apo humbje gjatë periudhës së raportimit në të cilën ata janë shkaktuar.

Rritja në vlerën kontabel që rrjedh nga rivlerësimi i pronave, impianteve dhe pajisjeve janë të regjistruara, neto nga taksat, në të hyra të tjera gjithëpërfshirëse dhe të rezervave të akumuluar të ekuitetit të aksionarëve. Deri në pikën ku rritja kthehet në rënie më parë e njohur si humbje ose fitim, rritja fillimisht është njohur si fitim

apo humbje. Rëniet që kthejnë rritjen e mëparshme të pasurisë të njëjtë njihen fillimisht në të ardhura të tjera gjithëpërfshirëse deri në pikën e shtesës së mbetur të atribueshme për pasurinë; të gjitha rëniet e tjera janë të ngarkuara në humbje ose fitim. Çdo vit, dallimi mes zhvlerësimit të bazuar në shumën kontabel të rivlerësuar të pasurisë të ngarkuar me fitim apo humbje dhe zhvlerësimit të bazuar në çmimin origjinal të pasurisë, neto nga tatimi, riklasifikohet nga shtesa e rivlerësimit të fitimit të shpërndarë të pronës, impianteve dhe pajisjeve. Vlera e mbetur dhe jeta e dobishme e pasurive rishikohen, dhe rregullohen nëse janë të përshtatshme, në fund të secilës periudhë të raportimit.

Shuma e mbajtur e një akti regjistrohet menjëherë tek shuma e rimarr nëse shuma e bartur e pasurisë është më e madhe se shuma e njehsuar e rimarrë.

Fitimet dhe humbjet në dispozicion janë të përcaktuara duke krahasuar procedura me shumën e bartur. Këto përfshihen në fitim apo humbje. Kur aktet e rivlerësuar shiten, është politikë e Kompanisë që çdo shumë të transferohet përfshirë edhe rezervat e tjera në lidhje me ato pasuri në mënyrë që të rikthehen fitimet. Zhvlerësimi njehsohet duke përdorur metodën e bazës lineare për të caktuar koston apo shumën e rivlerësuar, neton e vlerës së mbetur, përgjatë jetës së mbetur të dobishme ose, në rastin e kontratës së qirasë dhe disa impiante dhe pajisje me qira, kushti për qira më të shkurtë vlen si në vijim:

Lloji i pasurisë	Jetëgjatësia e dobishme
Ndërtesat dhe rrjeti i transmetimit	2-50 Vjet
Impiante dhe makineri	7-15 Vjet
Mobilje, orendi dhe pajisje	2-16 Vjet
Automjetet	5-10 Vjet

2.9 PASURITË E PAPREKSHME

Pasuritë e paprekshme të Kostt SH.A konsistojnë nga licenca dhe programe (softuerike) me jetëgjatësi të vlefshme të kufizuar. Në njohje fillestare, pasuritë e paprekshme të kërkuara veçmas maten me kosto. Kostoja e një pasurie të kërkuar veçmas përfshin çmimin e saj të blerjes, duke përfshirë këtu edhe detyrimet e importimit dhe taksa të blerjes që nuk rimburohen, pas zbritjes të tregtisë me ulje apo zbritje dhe çdo kosto drejtpërdrejt i atribueshëm të pasurisë të përgatitur për përdorimin e paraparë të tij.

Pas regjistrimit primar, pasuritë e paprekshme barten me kosto më të ulët nga amortizimi i grumbulluar dhe humbja nga dëmtimet. Amortizimi regjistrohet në bazë lineare për jetëgjatësinë e vlefshme të llogaritur.

Jetëgjatësia e vlefshme e llogaritur dhe metoda e amortizimit rishikohen në fund të secilës periudhë të raportimit me ndikimin e çfarëdo ndryshimin në vlerësim duke u llogaritur për, në baza të ardhshme. Jetëgjatësia e vlefshme në vijim janë aplikuar:

Lloji i pasurisë	Jetëgjatësia e dobishme
Softueri	5 Vite

Një pasuri e paprekshme çregjistrohet për arsye se është jashtë përdorimit, ose kur nuk priten përfitime të ardhshme ekonomike nga përdorimi apo asgjësimi i tij. Fitimet ose humbjet që rrjedhin nga mosnjohja e një pasuri jo-materiale njihen në fitim ose humbje kur pasuria çregjistrohet.

2.10 ZHVLERËSIMI I PASURIVE JO-FINANCIARE

Zhvlerësimi i pronës, impianteve, pajisjeve dhe mjeteve të paprekshme me jetë të caktuar të përdorimit
Vlera kontabël e këtyre pasurive ndryshon në çdo datë raportimi për shumën e zhvlerësimit dhe kur një aset është zhvlerësuar, njihet shpenzim përmes pasqyrës së fitimit ose humbjes në shumën e vlerësuar të rikuperueshme. Shuma e rikuperueshme është vlera më e lartë neto kontabël dhe vlera e tregut minus kostot e nxjerrjes jashtë përdorimit të pasurisë individuale ose njësisë gjeneruese të mjeteve monetare. Shuma e

rikuperueshme përcaktohet për një aset individual, përveç nëse pasuria nuk gjeneron rrjedha monetare të cilat janë kryesisht të pavarura nga ato të pasurive ose grupeve të tjera të pasurive. Në këtë rast, shuma e rikuperueshme përcaktohet për njësinë gjeneruese të mjeteve monetare të cilës i takon pasuria.

Vlera në përdorim është vlera e tanishme e vleresimit të ardhshëm të rrjedhës së parasë të pasurisë/njesisë. Vlerat e tanishme janë të llogaritura duke përdorur normat e zbritjes para tatimit që pasqyrojnë vlerën në kohë të parasë dhe rrezikun specifik të asaj pasurie/njesie dëmtimet e të cilës janë duke u llogaritur.

Humbjet nga zhvlerësimi për njësitë gjeneruese të mjeteve monetare alokohen së pari kundër emrit të mirë të njësisë dhe më pas pro rata midis aktiveve të tjera të njësisë. Rritjet e mëpasshme në shumën e rikuperueshme të shkaktuara nga ndryshimet në vlerësimet janë kredituar në fitim ose humbje në masën që ata e kthejnë zhvlerësimin.

2.11 INVESTIMET NË SHOQËRI DHE SIPËRMARRJE TË PËRBASHKËTA

Investimet në shoqëri dhe sipërmarrje të përbashkëta llogariten duke përdorur metodën ekuitetit. Vlera kontabël e investimit në shoqëri dhe sipërmarrje të përbashkëta rritet ose zvogëlohet për të njohur pjesën e Kompanisë në pasqyrën e fitimit ose humbjes dhe të ardhurave tjera gjithëpërfshirëse të shoqërisë dhe sipërmarrjeve të përbashkëta, rregulluar kur është e nevojshme për të siguruar qëndrueshmëri me politikat kontabël të Kompanisë.

Fitimet dhe humbjet e përealizuara në transaksionet midis Kompanisë dhe shoqërive dhe sipërmarrjeve të përbashkëta eliminohen në masën e interesit të Kompanisë në ato njësi ekonomike. Kur eliminohen humbjet e përealizuara, pasuria themelore testohet gjithashtu për zhvlerësim.

2.12 GRANTE QEVERTARE

Grantet qeveritare nuk njihen derisa të ketë siguri të arsyeshme se Kompania do të përmbushë kushtet që u bashkangjiten atyre granteve dhe se grantet do të merren.

Grantet qeveritare, kushti kryesor i të cilave është që Kompania duhet të blejë, ndërtojë ose përndryshe të përvetësojë pasurinë afatgjatë njihen si të ardhura të shtyra në pasqyrën e pozicionit financiar dhe transferohen në pasqyrën e fitimit ose humbjes mbi një bazë sistematike dhe racionale gjatë jetës së dobishme të pasurisë.

Grantet e tjera qeveritare njihen si të ardhura gjatë periudhave të nevojshme për t'i krahasuar ato me kostot për të cilat synojnë të kompensohen, mbi një bazë sistematike. Grantet qeveritare që janë të arkëtueshme si kompensim për shpenzimet ose humbjet e ndodhura tashmë ose me qëllim të dhënies së mbështetjes së menjëhershme financiare për Kompaninë pa ndonjë kosto të lidhur në të ardhmen njihen në fitim ose humbje në periudhën në të cilën ato bëhen të arkëtueshme.

2.13 INVENTARI

Inventari mbahet në pasqyrën e pozicionit financiar në koston më të ulët dhe vlerën neto të realizueshme. Kosto e inventarit përcaktohet duke përdorur metodën e mesatarës së ponderuar.

Shlyerja është bërë për njësitë e vjetërsuara dhe të dalura nga përdorimi, bazuar në përdorimin e pritshëm të tyre në të ardhmen dhe vlerës neto të realizueshme.

Vlera neto e realizueshme është çmimi i shitjes gjatë aktivitetit normal të biznesit pas llogaritjes së të gjitha shpenzimeve të mëtejshme të kompletimit dhe shitjes.

2.14 INSTRUMENTET FINANCIARE

Njohja dhe çregjistrimi

Pasuritë dhe detyrimet financiare njihen kur Kompania bëhet palë e dispozitave kontraktuale të instrumentit financiar.

Pasuritë financiare çregjistrohen kur skadojnë të drejtat kontraktuale të flukseve të mjeteve monetare nga pasuria financiare, ose atëherë kur bëhet transferimi i pasurive financiare dhe të gjitha rreziqeve dhe përfitimeve thelbësore. Një detyrim financiar çregjistrohet atëherë kur ai shuhet, shkarkohet, anulohet ose skadon.

Klasifikimi dhe matja fillestare e pasurive financiare

Përveç të arkëtueshmeve tregtare të cilat nuk përmbajnë në vete përbërës të konsiderueshëm financimi dhe maten me çmim të transaksionit në pajtueshmëri me SNRF 15, të gjitha pasuritë e tjera financiare fillimisht maten me vlerë të drejtë, të korigjuar për kostot e transaksionit (aty ku është e zbatueshme).

Pasuritë financiare, më përjashtim të pasurive financiare të paracaktuara dhe efektive si instrumente mbrojtëse, klasifikohen në kategoritë e mëposhtme:

- Pasuritë financiare me kosto të amortizuar.
- Pasuritë financiare me vlera të drejtë përmes fitimit ose humbjes (FVTPL).
- Pasuritë financiare me vlerë të drejtë përmes të ardhurave të tjera gjithëpërfshirëse (FVOCI).

Në periudhat e paraqitura Kompania nuk ka asnjë aktiv financiar të kategorizuar si FVOCI dhe (FVTPL).

Klasifikimi përcaktohet nga të dyja:

- Modeli i biznesit së njësishë ekonomike në menaxhimin e pasurisë financiare.
- Karakteristikat e rrjedhës së pasurisë kontraktuale të pasurisë financiare.

Të gjitha të ardhurat dhe shpenzimet që lidhen me pasuritë financiare të cilat njihen në fitim ose humbje janë përfshirë brenda shpenzimeve financiare, të ardhurave financiare ose zërave të tjerë financiarë, me përjashtim të zhvlerësimit të të arkëtueshmeve tregtare, të cilat paraqiten brenda shpenzimeve të tjera.

Matja e mëpasshme e pasurive financiare

Pasuritë financiare me kosto të amortizuar

Pasuritë financiare maten me kosto të amortizuar atëherë kur ato plotësojnë kushtet e mëposhtme (dhe nuk janë të përcaktuara si FVTPL):

- ato janë të mbajtura brenda një modeli biznesor, qëllimi i së cilit është mbajtja e pasurive financiare dhe grumbullimi i flukseve monetare kontraktuale
- kushtet kontraktuale të pasurive financiare prodhojnë flukse të mjeteve monetare, pagesa e kryegjësë dhe interesit, të shumës kryesore të papaguar

Pas njohjes fillestare, këto pasuri maten me kosto të amortizuar përmes metodës efektive të interesit. Zbritja nuk aplikohet atëherë kur efekti i zbritjes është jo material. Paraja e gatshme dhe ekuivalentët e saj, të arkëtueshmet tregtare dhe të tjera përfshihen tek instrumentet financiare dhe janë klasifikuar si kredi dhe llogari të arkëtueshme më 31 dhjetor 2024, pa ndonjë ndryshim në matje.

Pasuritë financiare me vlerë të drejtë përmes fitimit ose humbjes (FVTPL)

Pasuritë financiare që janë mbajtur në një model të ndryshëm biznesi përveç "mbajtjes për të mbledhur" ose "mbajtje për të mbledhur dhe shitur", kategorizohen në vlerën e drejtë përmes fitimit dhe humbjes. Për më tepër, pavarësisht nga modeli i biznesit të pasurive financiare, për të cilat paratë e kontratës nuk janë vetëm pagesa të principalit dhe interesi llogariten në FVTPL. Të gjitha instrumentet financiare derivative hyjnë në këtë kategori, përveç atyre të përcaktuara dhe efektive si instrumente mbrojtës, për të cilat zbatohen kërkesat e kontabilitetit mbrojtës.

Pasuritë në këtë kategori maten me vlerën e drejtë - me fitimet ose humbjet e njohura në fitim ose humbje. Vlerat e drejta të pasurive financiare në këtë kategori përcaktohen duke iu referuar transaksioneve të tregut aktiv ose duke përdorur një teknikë vlerësimi kur nuk ekziston një treg aktiv.

Pasuritë financiare me vlerë të drejtë përmes të ardhurave të tjera gjithëpërfshirëse (FVOCI)

Llogaritë e Kompanisë përfshijnë pasuritë financiare të FVOCI atëherë kur ato plotësojnë kushtet e mëposhtme:

- ato mbahen në një model biznesi, objektivi i të cilit është "mbajtja për të mbledhur" e flukseve monetare shoqëruese dhe shitja e tyre si dhe
- kushtet kontraktuale të këtyre pasurive financiare krijojnë flukse të mjeteve monetare që janë vetëm pagesa e kryegjësë dhe interesit të shumës kryesore të papaguar.

Çdo fitim ose humbje e njohur në të ardhura të tjera gjithëpërfshirëse (ATGJ) do riklasifikohet pas mosnjohjes së pasurisë.

Zhvlerësimi i pasurive financiare

Kërkesat për zhvlerësim të SNRF 9 vënë më tepër në përdorim informacionet e së ardhshmes me qëllim të njohjes së humbjeve të pritura të kreditit - 'modelin e humbjes së pritur të kreditit (HPK)'. Kompania merr në konsideratë një gamë më të gjerë informacionesh, me rastin e vlerësimit të rrezikut të kredisë dhe matjes së humbjeve të pritura të kreditit, përfshirë ngjarjet e kaluara, kushtet e tanishme, parashikimet e arsyeshme dhe të mbështetshme që kanë ndikim në arkëtueshmërinë e pritshme të flukseve monetare të ardhshme të instrumentit.

Në zbatimin e kësaj qasjeje progresive, dallimi midis tyre bëhet si vijon:

- instrumentet financiare që nuk kanë pësuar përkeqësim të dukshëm të cilësisë së kredisë nisur që nga njohja fillestare, ose ato me rrezik të ulët të kredisë ('Faza 1') dhe
- instrumentet financiare që cilësinë e kredisë e kanë përkeqësuar dukshëm që nga njohja fillestare dhe rreziku i kredisë të së cilave është jo i ulët ('Faza 2').
- 'Faza 3' mbulon pasuritë financiare të cilat posedojnë dëshmi objektive të zhvlerësimit të tyre, në datën e raportimit.
- Humbjet e pritshme të kredisë 12-mujore njihen për Fazën 1 ndërsa 'humbjet e pritshme gjatë gjithë jetës' njihen për Fazën 2 dhe 3. Matja e humbjeve të pritshme të kredisë përcaktohet nga një vlerësim i ponderuar me probabilitetin e humbjeve të kredisë gjatë jetës së pritshme të instrumentit financiar.

Të arkëtueshmet tregtare dhe të tjera

Kompania vë në përdorim një qasje të thjeshtuar në kontabilizimin e të arkëtueshmeve tregtare dhe të tjera, dhe regjistron lejimet për humbjet si jetëgjatësia e humbjeve të pritura të lejimeve për të arkëtueshmet. Këto janë mangësitë e pritura tek flukset e mjeteve monetare kontraktuale, marrë në konsideratë potencialin e mosplotësimit në çdo moment përgjatë ciklit jetësor të instrumentit financiar. Kompania përdor përvojën e saj, treguesit e jashtëm dhe informacionet progresive për llogaritjen e humbjeve të pritura të klejimeve për llogaritë e arkëtueshme duke përdorur matricën e provizionit. Kompania vlerëson zhvlerësimin e të arkëtueshmeve tregtare të saj në baza kolektive, meqë ato kanë karakteristika të përbashkëta të rrezikut të kredisë, të cilat janë të grupuara në bazën e ditëve të kaluara. Referojuni Shënimit të Rrezikut të Kredisë për një analizë të detajuar të asaj se si aplikohen kërkesat e zhvlerësimit të SNRF 9.

Klasifikimi dhe matja e detyrimeve financiare

Detyrimet financiare të Kompanisë përfshijnë detyrimet tregtare dhe të pagueshmet të tjera, në datat e raportimit.

Detyrimet financiare fillimisht maten me vlerën e drejtë dhe, atëherë kur është e zbatueshme, përshtaten për kostot e transaksionit, përveç nëse detyrimi financiar është paracaktuar me vlerë të drejtë nëpërmjet fitimit ose humbjes nga Kompania.

Më pastaj, detyrimet financiare maten me kosto të amortizuar përmes metodës së interesit efektiv, përveç derivativave dhe detyrimeve financiare të përcaktuara në FVTPL, të cilat mbahen më pas me vlerën e drejtë me

fitime ose humbje të njohura në fitim ose humbje (përveç instrumenteve financiare derivative të cilat janë të paracaktuara dhe efektive si instrumente mbrojtëse).

Të gjitha pagesat e ndërlidhura me interes, dhe, atëherë kur është e zbatueshme, ndryshimet në vlerën e drejtë të një instrumenti të cilat raportohen në fitim ose humbje përfshihen tek kostot financiare ose tek të ardhurat financiare.

2.15 TË ARKËTUESHMET TREGTARE DHE TË TJERA

Të arkëtueshmet tregtare fillimisht njihen me vlerë të drejtë dhe më pas maten me kosto të amortizuar përmes metodës së interesit efektiv, duke zbritur çdo kompensim për humbjet e pritura të kredisë. Të arkëtueshmet tregtare në përgjithësi kanë afatin e shlyerjes brenda 30 deri 90 ditë.

Për matjen e humbjeve të pritur të kredisë, Kompania ka zbatuar qasjen e thjeshtuar, e cila bën kompensimin e humbjeve të pritshme të kredisë përgjatë gjithë jetëgjatësisë së saj. Për të matur humbjet e pritura të kredisë, të arkëtueshmet tregtare janë grupuar në bazë të ditëve të vonuara.

Të arkëtueshmet e tjera njihen me kosto të amortizuar, duke zbritur çdo kompensim për humbjet e pritura të kredisë.

2.16 PARAJA DHE EKUVALENTËT E SAJ

Vetëm për qëllime të pasqyrës së rrjedhës së parasë, paraja dhe ekuivalentet e parasë përfshijnë para të gatshme, dhe paranë të mbajtur në një llogari aktuale në ndonjë institucion financiar. Mbitërheqjet bankare janë të paraqitura tek huamarrjet në detyrimet afatshkurtra në pasqyrën e pozicionit financiar.

2.17 KOSTOT E HUAMARRJES

Kostot e huamarrjes kryesisht përbëhen nga interesi për huazimet e Kompanisë. Kostot e huamarrjes që lidhet drejtpërdrejt me blerjen, ndërtimin ose prodhimin e një pasurie të kualifikuar janë kapitalizuar gjatë periudhës kohore që është e nevojshme për të përfunduar dhe përgatitur pasurinë për qëllim përdorimi ose shitjeje. Kostot e tjera të huamarrjes janë shpenzuar në periudhën në të cilën ato janë kryer dhe raportuar si "kostot e financave".

2.18 TË PAGUESHMET TREGTARE DHE TË TJERA

Këto shuma përfaqësojnë detyrimet e papaguara për mallrat dhe shërbimet e ofruara ndaj Kompanisë para fundit të vitit financiar. Për shkak të natyrës së tyre afatshkurtër, ato maten me kosto të amortizuar dhe nuk zbriten. Shumat janë të pasigurta dhe zakonisht paguhen brenda 30 ditëve që nga njohja a tyre.

2.19 DETYRIMET KONTRAKTUALE

Detyrimet e kontratës përfaqësojnë detyrimin e kompanisë për të transferuar mallra ose shërbime tek një klient dhe njihen atëherë kur një klient paguan konsideratën, ose atëherë kur Kompania bën njohjen e një të arkëtueshme me qëllim që të pasqyrojë të drejtën e pakushtëzuar të saj për shqyrtim (cilado që ndodh më parë) para se Kompania të ketë transferuar mallrat ose shërbimeve ndaj klientit.

2.20 TRANSAKSIONET NË VALUTË TË HUAJA

Pasuritë dhe detyrimet të valutës monetare të huaj përkthehen në monedhën funksionale të njësisë ekonomike duke përdorur kursin e këmbimit në datën e raportimit. Fitimet dhe humbjet që rrjedhin nga ndryshimet në kurset e këmbimit pas datës së transaksionit njihen në fitim ose humbje (përveç kur klasifikohet në të ardhurat tjera gjithëpërfshirëse si rrjedhë e parasë nga instrumenti mbrojtës). Pasuritë dhe detyrimet jo-monetare që janë matur sipas kostos historike në një monedhë të huaj përkthehen me kursin e këmbimit në

datën e transaksionit. Artikujt jo-monetarë që maten me vlerën e drejtë në monedhë të huaj (p.sh. Instrumentet e kapitalit në dispozicion për shitje) përkthehen duke përdorur kursin e këmbimit në datën kur vlera e drejtë përcaktohet.

2.21 PERFITIMET PENSIONALE

Kompania nuk jep asnjë provizion dhe nuk ka asnjë detyrim për pensionet e punonjësve për sa i përket kontributeve të paguara në planin e pensionit të detyrueshëm, Fondi i Kursimeve Pensionale të Kosovës (Trust).

2.22 TATIMI NË FITIM

Tatimi është kalkuluar në pasqyrat financiare në përputhshmëri me ligjin aktual në fuqi të Kosovës mbi tatimet, Ligji nr. 06/L-105 "Tatimi në të Ardhura të Korporatave" në zbatim prej 5 Gusht 2019. Norma e tatimit mbi të ardhurat e tatueshme të korporatave është 10%. Tatimi aktual llogaritet në bazë të pritshmërisë së fitimit të tatueshëm për vitin duke përdorur normat tatimore në fuqi në datën e pasqyrës së pozicionit financiar. Fitimi i tatueshëm ndryshon nga fitimi kontabël ose për shkak se disa të ardhura dhe shpenzime nuk janë të tatueshme ose të zbritshme, ose për shkak se në kohën kur janë të tatueshme ose të zbritshme dallon trajtimi sipas tatimeve dhe kontabilitetit.

Shpenzimi i tatimit për periudhën përfshin tatimin aktual dhe tatimin e shtyrë. Tatimi njihet në fitim ose humbje, përveç nëse ajo lind nga transaksione ose ngjarje që janë njohur në të ardhura të tjera gjithëpërfshirëse, ose direkt në ekuitet. Në këtë rast, tatimi njihet në të ardhurat tjera gjithëpërfshirëse ose direkt, respektivisht në ekuitet. Kur tatimi rrjedh nga kontabilizimi fillestar për një kombinim biznesi, ai është përfshirë në kontabilitet për kombinimin e biznesit. Tatimet përveç tatimit mbi të ardhurat regjistrohen brenda shpenzimeve operative.

Tatimi i shtyrë njihet në diferencat midis vlerës së bartur të pasurive dhe detyrimeve në pasqyrat financiare dhe bazës tatimore përkatëse të përdorura në llogaritjen e fitimit të tatueshëm dhe kontabilizohen duke përdorur metodën e obligimeve të bilancit. Detyrimet tatimore të shtyra njihen në përgjithësi për të gjitha diferencat e përkohshme të tatueshme dhe pasuritë tatimore të shtyra njihen në masën që është e mundur që fitimet e tatueshme do të jetë i disponueshëm kundrejt të cilit mund të përdoren diferencat e përkohshme të zbritshme.

Vlera kontabël e pasurive tatimore të shtyra rishikohet në çdo datë të pasqyrës së pozicionit financiar dhe reduktohen deri në masën që nuk është më e mundur që fitimi i tatueshëm i mjaftueshëm do të jetë në dispozicion për të lejuar të gjithë ose një pjesë të pasurisë që të mbulohet.

Tatimi i shtyrë është llogaritur duke përdorur normën tatimore që pritet të aplikohen në periudhën kur shlyhet detyrimi ose pasuria e realizuar. Tatimi i shtyrë ngarkohet apo kreditohet në fitim ose humbje, përveç kur ka të bëjë me artikujt të ngarkuar ose kredituar direkt në ekuitet, ku tatimi i shtyrë gjithashtu ballafaqohet me ekuitet. Pasuritë dhe detyrimet e shtyra tatimore kompensohen kur ekziston një e drejtë ligjore për të kompensuar pasuritë tatimore aktuale kundrejt pasiveve tatimore aktuale dhe kur ato lidhen me tatimet mbi të ardhurat e mbledhura nga i njëjti organ tatimor dhe kompania ka për qëllim për të zgjidhur pasuritë e saj aktuale tatimore dhe detyrimet në një baza neto.

2.23 TATIMI MBI VLERËN E SHTUAR

Të ardhurat, shpenzimet njihen neto nga shuma e tatimit mbi vlerën e shtuar, përveç kur tatimi mbi vlerën e shtuar nga blerja e pasurive ose shërbimeve nuk është e rimbursueshme nga organet tatimore, në të cilin rast vlera e shtuar është e njohur si pjesë e shpenzimeve për blerje ose si pjesë e kostos sipas rastit; dhe

Shuma neto e TVSH e cila është e rikuperueshme, ose që duhet paguar te autoritetet tatimore është përfshirë si pjesë e arkëtueshme ose detyrimeve në pasqyrën e pozicionit financiar.

2.24 PROVIZIONET

Një provizion njihet kur Kompania ka një obligim aktual si rezultat i ngjarjeve në të kaluarën, dhe është e mundur se një rrjedhje e përfitimeve ekonomike do të kërkohej për të shlyer obligimin, dhe mund të bëhet një vlerësim i besueshëm i shumës së obligimeve. Provizionet rishikohen për secilën pasqyrë në datën e pasqyrës së pozicionit financiar dhe rregullohen për të paraqitur parashikimin më të mirë. Kur efekti kohor i vlerës së parave është material, shuma e provizionit është vlera aktuale e shpenzimeve që pritet të kërkohej për të shlyer obligimin.

2.25 EKUITETI

Instrumentet e ekuitetit janë kontratat që i japin një interes të mbetur në pasuritë neto të Kompanisë. Aksionet e zakonshme klasifikohen si kapital. Instrumentet e ekuitetit njihen në shumën e të ardhurave neto të marra të kostove drejtpërdrejt të atribueshme për transaksion. Për aq kohë sa këto të ardhura tejkalojnë vlerën nominale të aksioneve të emetuara ato kreditohen në një llogarinë e premisë së aksioneve.

Kapitali aksionar

Kapitali aksionar përbëhet nga vlera e drejtë monetare e kontributeve nga aksionarët.

Fitimet e mbajtura

Fitimet e mbajtura përbëhen nga fitimi i pashpërndarë nga periudha aktuale dhe ato të kaluara.

Rivlerësimi i rezervave

Rivlerësimi i rezervave - përfshin fitimet dhe humbjet nga rivlerësimi i pasurive, impianteve dhe pajisjeve.

Shpërndarje dividendë

Dividendët njihen si detyrime, kur ato deklarohen (d.m.th. dividendët janë të autorizuar siç duhet dhe nuk janë më në diskrecionin e njësisë ekonomike). Në mënyrë tipike, dividendët njihen si detyrime në periudhën në të cilën shpërndarja e tyre është aprovuar në mbledhjen e aksionarëve. Dividendët e ndërmjetëm njihen kur paguhen.

2.26 ZOTIMET DHE KONTIGJENCAT

Detyrimet kontingjente nuk janë njohur në pasqyrat financiare. Ato janë shpalosur përveç nëse një rrjedhje e mundshme e burimeve që materializojnë përfitimet ekonomike është e largët. Pasuritë kontingjente nuk janë njohur në pasqyrat financiare por është shpalosur kur një rrjedhje e beneficioneve ekonomike është e mundshme. Shuma e humbjes kontingjente është njohur si provizion nëse ka gjasa që ngjarjet në të ardhmen do ta konfirmojnë atë, detyrimin e pësuar në datën e pozicionit financiar dhe një vlerësim i besueshëm i shumës së humbjes së rezultuar të mund të bëhet.

2.27 TRANSAKSIONET ME PALËT E NDËRLIDHURA

Palët e lidhura përbëhen nga aksionarët dhe drejtorët e Kompanisë, bashkë me njësitë që ata kontrollojnë, të cilët mund të ushtrojnë ndikim të rëndësishëm mbi operacionet dhe menaxhimin e kompanisë. Duke marrë parasysh çdo marrëdhënie ndërmjet palëve të lidhura, vëmendja është drejtuar në thelbin e marrëveshjes dhe jo thjesht formës ligjore.

2.28 NGJARJET PAS DATËS RAPORTUESE

Ngjarjet mëpasshme që ofrojnë informacion shtesë në lidhje me pozicionin e Kompanisë, në datën e pasqyrës së pozicionit financiar (ngjarjet rregulluese) reflektohen në pasqyrat financiare. Ngjarjet pas periudhës raportuese që nuk janë ngjarje rregulluese shpalosen në shënime nëse janë materiale.

3 GJYKIME TË RËNDËSISHME DHE BURIME KYQE TË VLERËSIMIT TË PASIGURISË

Në zbatimin e politikave të kontabilitetit të Kompanisë, të cilat janë përshkruar në Shënimin 2 të këtyre pasqyrave financiare, nga menaxhmenti kërkohet të bëjë gjykime, vlerësime dhe supozime mbi vlerat bartëse të pasurive dhe detyrimeve që nuk janë lehtë të dukshme nga burimet tjera. Vlerësimet dhe supozimet e ndërlidhura janë bazuar në eksperiencën historike dhe faktorë të tjerë që janë konsideruar të jenë relevantë. Rezultatet e tanishme mund të ndryshojnë nga këto vlerësime.

Vlerësimet dhe supozimet themelore rishikohen në bazë të vazhdueshme. Rishikimet ndaj vlerësimeve kontabël njihen në periudhën në të cilën vlerësimi rishikohet nëse ai ndikon vetëm atë periudhë, ose në periudhën e rishikimit dhe periudhat e ardhshme nëse rishikimi ndikon periudhat aktuale dhe të ardhshme.

Burimet kryesore të pasigurisë në vlerësim

Vlerësimi i vlerës së drejtë të pronës, impianteve dhe pajisjeve

Siç përshkruhet në Shënimin 2.8 më lart, Kompania rishikon jetën e dobishme të vlerësuar të pronës, impianteve dhe pajisjeve në fund të çdo periudhe raportuese. Çdo ndryshim në përdorimin e vazhdueshëm të pronave ose ndonjë faktor tjetër mund të ndikojë në jetën e dobishme të pasurive dhe si rrjedhojë mund të ndryshojë ndjeshëm vlerën kontabël të këtyre pasurive.

Zhvlerësimi i pasurive jo-financiare

Humbjet nga zhvlerësimi njihen në shumën për të cilën vlera bartëse e pasurisë ose njësisë gjeneruese të mjeteve monetare tejkalon shumën e rikuperueshme. Gjatë përcaktimit të shumës së rikuperueshme, Menaxhmenti vlerëson çmimet e pritshme dhe rrjedhën e parasë nga secila njësi gjeneruese të parasë dhe përcakton një normë të interesit të përshtatshme gjatë llogaritjes së vlerës aktuale të rrjedhës së parasë.

Inventari

Inventari vlerësohet me koston më të ulët dhe vlerën neto të realizueshme. Kostoja e stoqeve njehësohet ndaj vlerës së llogaritur të realizueshme kur kostoja e saj nuk është më e rikuperushme, si në rastet kur stoqet janë të dëmtuar apo vjetërsohet pjesërisht apo plotësisht ose çmimet e tyre të shitjes kanë rënë. Në çdo rast, vlera e realizueshme paraqet vlerësimin më të mirë të shumës së rikuperushme, e cila bazohet në dëshminë më të besueshme të disponueshme në datën e raportimit, dhe në thelb përfshin vlerësime në lidhje me vlerën e pritshme të realizueshme në të ardhmen. Standardet për përcaktimin e shumës të njehësuar për vlerën e realizueshme neto përfshin analizën e maturimit, vlerësimin teknik, dhe ngjarjet pasuese. Në përgjithësi, një proces i tillë i vlerësimit kërkon gjykim të rëndësishëm dhe mund të ndikojë materialisht në vlerën e bartur të inventarit në datën e raportimit.

Lejimi për humbjet e pritshme kreditore

Lejimi për vlerësimin e humbjeve të pritshme kreditore kërkon një shkallë vlerësimi dhe gjykimi. Ai bazohet në humbjen e pritur kreditore përgjatë gjithë jetëgjatësisë së kreditit, grupuar në bazë të ditëve të vonuara dhe bën supozime për të alokuar një normë të përgjithshme të pritur të humbjes së kredisë për secilin grup. Këto supozime përfshijnë përvojën e fundit të shitjeve dhe normat historike të grumbullimit.

4 PRONA, IMPIANTET DHE PAJISJET

	Toka	Ndërtesat dhe rrjeti i transmisionit	Impiantet dhe makineria	Automjet, mobilje dhe pajisje të tjera	Puna në Progres	Gjithsej
Kosto/Kostot e konsideruara						
Me 01 JANAR 2023	5,109	116,692	154,716	8,822	3,405	288,744
Shtesat për vitin	123	71	52	146	3,766	4,158
Transferet nga puna në progres		14		44	(58)	-
Heqjet nga përdorimi			(26)			(26)
Transferimet në inventar						
Me 31 DHJETOR 2023	5,232	116,777	154,742	9,012	7,113	292,876
Me 01 JANAR 2024	5,232	116,777	154,742	9,012	7,113	292,876
Shtesat për vitin	1,261	4,972	1,004	90	3,218	10,544
Transferet nga Puna në progres		437	3,695	435	(4,572)	-
Heqjet nga përdorimi			(50)	(1)		(51)
Transferimet në inventar					(80)	(80)
Me 31 DHJETOR 2024	6,493	122,186	159,391	9,536	5,679	303,290
ZHVLERËSIMI I AKUMULUAR						
Me 01 JANAR 2023		(48,758)	(98,820)	(8,266)		(155,844)
Zhvlerësimi për vitin		(4,860)	(9,577)	(211)		(14,648)
Me 31 DHJETOR 2023	-	(53,618)	(108,397)	(8,477)	-	(170,492)
Me 01 JANAR 2024	-	(53,618)	(108,397)	(8,477)	-	(170,492)
Zhvlerësimi për vitin	-	(5,028)	(7,882)	(249)		(13,159)
Me 31 DHJETOR 2024	-	(58,646)	(116,279)	(8,726)	-	(183,651)
VLERA NETO KONTABËL						
Më 31 DHJETOR 2023	5,232	63,159	46,345	535	7,113	122,385
Më 31 DHJETOR 2024	6,493	63,540	43,112	810	5,679	119,634

Shtesat dhe grantet në lidhje me asetet

Gjatë vitit që përfundoi më 31 dhjetor 2024 Kompania ka pranuar në formë granti nga SOW-i asete në vlerë prej 6,117 mijë euro.

Shpenzimet e zhvlerësimit që i referohet këtyre pasurive për vitin 2024 janë vlerën prej 4,943 mijë euro (2023: 6,291 mijë euro) lirohet nga të ardhurat e shtyra dhe njihet si e ardhur nga granti në pasqyrën e fitimit ose humbjes dhe të ardhurave të tjera gjithëpërfshirëse (shih shënimin 14 dhe 20).

Shlyerjet

Që nga 31 dhjetor 2024, bazuar në numërimin fizik vjetor të kryer në pronat, objektet dhe pajisjet, Kompania ka fshirë nga përdorimi pasuritë me vlerën kontabël bruto prej 55 mijë euro (2023: 26 mijë euro).

Prona, impiantet dhe pajisjet e lëna pengë

Me 31 dhjetor 2024 dhe 2023, nuk ka asnjë pronë, impiant dhe pajisje të lëna pengë. Të gjitha pasuritë përdoren për aktivitetet operative të Kompanisë.

5 PASURITË E PAPREKSHME

	Shuma EUR'000
Kosto	
MË 01 JANAR 2023	4,519
Shtesat për vitin	37
MË 31 DHJETOR 2023	4,556
MË 01 JANAR 2024	4,556
Shtesat për vitin	23
Transferet nga puna në progres	5
Heqja nga përdorimi	(4)
MË 31 DHJETOR 2024	4,581
AMORTIZIMI I AKUMULUAR	
MË 01 JANAR 2023	(4,112)
Shpenzimet e amortizimit për vitin	(169)
MË 31 DHJETOR 2023	(4,281)
MË 01 JANAR 2024	(4,281)
Shpenzimet e amortizimit për vitin	(178)
MË 31 DHJETOR 2024	(4,459)
VLERA NETO KONTABËL	
MË 31 DHJETOR 2023	275
MË 31 DHJETOR 2024	122

6 INVESTIMET NË SHOQËRI

Më 5 tetor 2020, Kompania dhe Operatori i Sistemit të Transmetimit (OST) kanë nënshkruar marrëveshjen për krijimin e Bursës Shqiptare të Energjisë - ALPEX. Procesi i krijimit të ALPEX filloi në Mars 2020 kur qeveria shqiptare nisi një tender për kompanitë e interesuara për t'u bërë aksionerë. Ajo u pezullua për shkak të pandemisë COVID-19 në Prill, dhe në fund të Qershorit u përzgjedhën aksionarët. Kompania zotëron 42,75% ndërsa administratori i OST Shqipëri zotëron 57,25%. Investimi në ALPEX llogaritet duke përdorur metodën e ekuitetit. Më 31 dhjetor 2024, investimi në shoqëri arriti në 229 mijë euro (2023: 362 mijë euro).

Llogaritja e vlerës kontabël të investimit dhe ndryshimet gjatë vitit

	2024 EUR '000	2023 EUR '000
Pasuritë afatgjata	100	112
Pasuritë afatshkurtër	12,488	7,414
	12,588	7,526
Detyrimet afatgjata	-	-
Detyrimet afatshkurtër	12,053	6,678
	12,053	6,678
Neto asetet	535	847
	2024 EUR '000	2023 EUR '000

Te ardhurat	2,840	448
Shpenzimet	(3,222)	(1,181)
Humbja neto për vitin	(382)	(734)
Të ardhura të tjera gjithëpërfshirëse	-	-
Humbja neto dhe të ardhurat totale gjithëpërfshirëse për vitin	(382)	(734)

Llogaritja e vlerës kontabël të investimit dhe ndryshimet gjatë vitit

	2024 EUR '000	2023 EUR '000
Pasuritë neto të shoqërisë	535	847
Proporcioni i interesit të pronësisë së Kompanisë në ALPEX	42.75%	42.75%
Vlera Kontabel e investimeve në shoqëri	229	362
Minus: Konsiderata e transferuar	(362)	(617)
Pjesa e akumuluar në fitim dhe humbje në shoqëri	(133)	(255)
Pjesa në fitim dhe humbje në shoqëri për vitin	(133)	(255)

Për fundin e vitit 2024 Kompania ka njohur pjesën e humbjes në shoqëri në vlerë prej 133 mijë euro dhe kjo shumë ka ulur vlerën kontabël të investimit në shoqëri.

	2024 EUR '000	2023 EUR '000
Më 1 Janar	362	617
Konsideratat e dhëna	-	-
Dividentet e pranuar	-	-
Pjesa e fitimit dhe humbjes në shoqëri	(133)	(255)
Më 31 Dhjetor	229	362

7 INVESTIMET FINANCIARE

Më 4 korrik 2012 një kompani u themelua dhe u regjistrua si Kompania Projektuese Ekipore me Përgjegjësi të Kufizuar me përgjegjësi për krijimin e një Zyre të Koordinuar të Ankandit në Evropën Juglindore d.o.o, me vendndodhje në Podgorica (CAO SEE). Është themeluar nga TEL (Rumania), Eles (Slloveni), HEP OST (Kroaci), BIH ISO (Bosnjë dhe Hercegovinë), MEPSO (Maqedoni), OST (Shqipëri), HTSO (Greqi), TEIAS (Turqi) dhe KOSTT (Kosovë). Këto kompani kanë kontribuar me 30% në kapitalin aksionar të këtij entiteti, ndërsa 70% në kapitalin aksionar kanë kontribuar institucionet ndërkombëtare të financimit (BERZH, KfW dhe USAID)

Kompania ka investuar një shumë prej 28 mijë EUR në kapitalin aksionar të CAO SEE me 4 korrik 2012 që përfaqëson 1% të aksioneve. Gjatë vitit 2014 kapitali aksioner i CAO SEE është dyfishuar dhe kështu ka kontribuar në rritjen e kapitalit në vlerë prej 40 mijë EUR. Përqindja e zotërimit të KOSTT në 31 dhjetor 2024 ishte 1% (31 dhjetor 2023: 1%).

8 STOQET

	2024 EUR '000	2023 EUR '000
Pjesë rezervë	4,025	3,825
Materialet dhe të shpenzueshmet	963	936
Të tjera	132	129
Karburant dhe lubrifikantë	12	21
	5,132	4,910
Minus: Provizionit për zhvlerësim	(316)	(316)
	4,816	4,595

9 TË ARKËTUESHMET TREGTARE DHE TË TJERA

	2024 EUR '000	2023 EUR '000
Të arkëtueshmet tregtare		
Debitorët tregtarë	35,727	35,559
Minus: Provizionit për zhvlerësim	(559)	(736)
	35,168	34,823
Huadhëniet dhe parapagimet		
Parapagimet ndaj furnitorëve	485	545
	485	545
	35,653	35,369
Të arkëtueshmet e tjera		
Të arkëtueshmet për jobalancat	21,185	22,995
TVSH e arkëtueshme	-	-
Avanset për punëtorët	38	148
Të arkëtueshme tjera	2,390	2,784
	23,613	25,927
GJITHSEJ TË ARKËTUESHME TREGTARE DHE TË TJERA	59,266	61,296

Lëvizja në provizionimin e llogarive të arkëtueshme është si më poshtë:

	2024 EUR '000	2023 EUR '000
Gjendja fillestare me 1 Janar	736	3,012
Shpenzimi për vitin	-	-
Lirimi i provizionimit	(177)	(2,276)
Gjendja përfundimtare më 31 dhjetor	559	736

Të arkëtueshmet për jobalancat

* Bazuar në Ligjin për energji elektrike, duke filluar nga viti 2017, Kompania hyri dhe u bë përgjegjëse për balancimin e sistemit të sapo strukturuar të energjisë elektrike të Kosovës në përputhje me Kodin e rrjetit të transmisionit dhe rregullatorit të tregut. Si rezultat i kësaj, të arkëtueshmet dhe detyrimet përkatëse për zhbancim njihen në regjistrat kontabël në pasqyrat financiare të Kompanisë (shih gjithashtu Shënimin 16).

10 DEPOZITAT ME AFAT

	2024	2023
	EUR'000	EUR'000
Depozitat me afat në bankat lokale	-	-
Depozita në para në bankat ndërkombëtare	2,400	4,800
Interesi i përlogaritur	-	-
GJITHSEJ DEPOZITAT ME AFAT	2,400	4,800

Më 31 dhjetor 2024 depozita në shumën prej 2,400 dhe 2023 depozitat në shumën prej 4,800 mijë Euro janë lënë peng si kolateral për huazimet ndaj KFW.

11 PARAJA DHE EKUVALENTËT E PARASË

	2024	2023
	EUR'000	EUR'000
Kolaterali për tregtim në ALPEX	500	0
Paraja në bankë	32,920	26,747
TOTALI I PARASË DHE EKUVALENTËVE TË PARASË	33,420	26,747

12 KAPITALI AKSIONAR

	2024	2023		
	Shuma në EUR'000	% e interesit të ekuitetit	Shuma në EUR'000	% e interesit të ekuitetit
Kuvendi i Kosovës	25	100%	25	100%
	25	100%	25	100%

Kapitali aksionar përbëhet nga 25 mijë aksione të zakonshme me një vlerë nominale prej 1 EUR secili. Pronar i KOSTT Sh.A është Kuvendi i Republikës së Kosovës, që zotëron 100% të kapitalit të zakonshëm të Shoqërisë më 31 dhjetor 2024 (31 dhjetor 2023: 100%)

13 REZERVA E TRANSFERIT

Rezervat e transferit, konsiston në rritjen e kapitalit aksionar në vlerë prej 53,377 mijë EUR që ishte një kontribut jo-monetar përmes transferimit të aseteve nga KEK SH.A. tek Kompania në datën e inkorporimit të saj sipas marrëveshjes ndërmjet Kompanisë dhe KEK SH.A.

14 GRANTET E SHTYERA

	2024 EUR '000	2023 EUR '000
Granti në lidhje me pronat, impiantet dhe pajisjet (shënimi 4)	35,990	34,816
Grant lidhur me shpenzimet e humbjeve të energjisë	-	-
Granti në lidhje me inventarin	1,958	2,034
	37,948	36,850

Grantet lidhen me fondet ose pasuritë e marra nga Qeveria e Republikës së Kosovës për të siguruar mbështetje financiare për aktivitetet operative dhe projektet kapitale të Kompanisë, të cilat janë në zhvillim e sipër, projektet e ardhshme kapitale dhe për mbulimin e humbjeve të energjisë në zonën Veriore të Republikës së Kosovës.

Lëvizjet gjatë vitit

Tabela vijuese përmbledh lëvizjet në grantin e shtyrë për vitin e mbyllur më 31 dhjetor:

	2024 EUR '000	2023 EUR '000
Më 1 Janar	36,850	43,034
Grantet e pranuar	15,992	12,009
Minus:		
Të ardhurat e shtyra në P&L (shih tabelën më poshtë)	(14,894)	(18,193)
Më 31 Dhjetor	37,948	36,850

Më poshtë është analiza e grantit të lëshuar për P&L dhe llogaritjet si e ardhur për vitin e mbyllur më 31 dhjetor 2024.

	2024 EUR '000	2023 EUR '000
Zhvlerësimi i pajisjeve (Shënimi 4)	4,943	6,291
Shpenzimet në lidhje me humbjet e energjisë në veri (Shënimi 21)	9,875	11,880
Inventari (Shënimi 8)	76	22
	14,894	18,193

15 HUATË

	2024 EUR'000	2023 EUR'000
Huatë KfW (shuma 17,000 mijë EUR maturimi 2024)	-	1,000
Huatë KfW (shuma 23,500 mijë EUR maturimi 2047)	9,229	11,115
Huatë EBRD (shuma 30,000 mijë EUR maturimi 2029)	11,949	14,339
	21,178	26,454
Pjesa qarkulluese	5,276	5,145
Pjesa jo-qarkulluese	15,902	21,309
GJITHSEJ HUATË	21,178	26,454
RAKORDIMI I BORXHIT NETO	2024 EUR'000	2023 EUR'000
Paraja dhe ekuivalentet e parasë	35,820	31,547
Huamarrjet e pagueshme brenda një viti	(5,276)	(5,145)
Huamarrjet e pagueshme pas një viti	(15,902)	(21,309)
BORXHI NETO	14,641	5,093

Një marrëveshje kredie dhe financimi e datës 28 dhjetor 2009 midis KfW dhe Ministrisë së Financave dhe Ekonomisë së Republikës së Kosovës dhe Kompanisë. Projekti parashikon ndërtimin e Linjës së Transmisionit 400kV Shqipëri-Kosovë (Tiranë-Prishtinë). Shuma totale e kredisë dhe marrëveshjes së financimit është 33 500 mijë EUR e përbërë nga 16 500 mijë EUR kontribut financiar dhe kredi deri në 17 000 mijë EUR. Kontributi financiar nuk është i pagueshëm. Kredia filloi të tërhiqej në 2015.

Një marrëveshje kredie dhe financimi e datës 23 shtator 2013 midis KfW dhe Ministrisë së Financave dhe Ekonomisë së Republikës së Kosovës dhe Kompanisë. Projekti parashikon përmirësimin e rrjetit të transmetimit - Faza IV dhe V. Shuma totale e kredisë dhe marrëveshjes së financimit është 30 850 mijë EUR që përbëhet nga 3,000 mijë EUR kontribut financiar i KfW për Qeverinë e Republikës së Kosovës të cilin Qeveria e Republikës së Kosovës e ka transferuar të KOSTT në formë kredie, kredi deri në 20 500 mijë EUR dhe 7 350 mijë EUR të financuara nga Bashkimi Evropian. Kontributi financiar nuk është i pagueshëm. Kredia filloi të tërhiqej në 2015.

Një marrëveshje kredie e datës 15 tetor 2014 u nënshkrua midis Kompanisë dhe Bankës Evropiane për Rindërtim dhe Zhvillim (BERZH). Ky projekt do të implementohet brenda 4 viteve nga data e kontratës. Projekti parashikon përmirësimin e rrjetit ekzistues të transmetimit të energjisë së Kompanisë. Projekti është pjesë e planit katër vjeçar të investimeve kapitale të miratuar nga Zyra e Rregullatorit të Energjisë së Kosovës (ZRRE) dhe do të përfshijë ndërtimin, rehabilitimin dhe vënien në punë të nënstacioneve, transformatorëve dhe linjave të transmetimit të energjisë elektrike të zgjedhura. Kostoja totale e vlerësuar e projektit është afërsisht 36 500 mijë EUR. Burimet e parashikuara të financimit të projektit janë si më poshtë: 4,500 mijë nga fondet e Kompanisë, 2,000 mijë EUR nga fondet e Donatorëve, Borxhi i Vjeter (BERZH) 30,000 mijë EUR.

Një marrëveshje kredie është nënshkruar me datën 29 Dhjetor 2022 midis KfW , Ministrisë së Financave, Punës dhe Transfereve të Republikës së Kosovës dhe Kompanisë KOSTT. Projekti parashikon përmirësimin e rrjetit të transmetimit – Faza VII . Shuma totale e kredisë është 25,500 mijë EUR . Kredia fillon të tërhiqet në vitin 2025.

16 DETYRIMET TREGTARE DHE TË TJERA

	2024 EUR'000	2023 EUR'000
Të pagueshmet tregtare:		
Kreditorët/ furnitorët e jashtëm	2,554	1,694
Kreditorët/ furnitorët vendor	21,432	35,568
	23,986	37,262
Të pagueshmet tjera afatshkurtë		
Detyrimet për jobalancat	21,486	23,470
Provizionet për detyrimet	6,478	5,728
Tatimi mbi vlerën e shtuar	212	115
Pagat neto të pagueshme	-	338
Tatimi në paga dhe kontributet pensionale	152	75
Llogari të pagueshme tjera	425	330
	28,753	30,056
GJITHSEJ DETYRIME TREGTARE DHE TË TJERA	52,739	67,318

*Sipas Ligjit për energji elektrike dhe licencave, Kostt SH.A përveç tjerash është përgjegjëse edhe për balancimin e sistemit të energjisë elektrike. Në nenin 16 të Ligjit për energji elektrike në paragrafin 1.19 të këtij neni Operatori i Sistemit është përgjegjës për “balancimin e sistemit të energjisë elektrike në harmoni me Kodin e rrjetit dhe Rregullat e tregut”. Meqenëse energjia elektrike si produkt i cili liferohet në kohe reale çdo here lajmërohet diferencë në mes sasisë së kontraktuar dhe sasisë së prodhuar gjegjësisht të konsumuar. Diferenca në mes energjisë së kontraktuar për liferim dhe energjisë së liferuar të matur nga një palë tregtare quhet jo balancë e palës dhe pala tregtare është përgjegjëse për koston që ka shkaktuar.

Lëvizjet në detyrimet e provizioneve janë si më poshtë;

	2024 EUR'000	2023 EUR'000
Shuma e mbartur në fillim të vitit	5,728	5,531
Provizionet shtesë të njohura për Pretendimet Ligjore (Shënimi 22)	750	197
Shuma e bartur në fund të vitit	6,478	5,728

Gjatë vitit të mbyllur më 31 dhjetor 2024 Kompania ka njohur provizione në vlerë prej 6,478 mijë, nga të cilat 2,554 mijë EUR kanë të bëjnë me procedurat ligjore të filluara kundër kompanisë (Shënimi 32 Zotimet dhe kontigjencat) dhe 4,215 mijë EUR kanë të bëjnë me provizionet për detyrimet tregtare që dalin nga zgjidhjet e diskutueshme me dy furnitorë.

17 TË ARDHURAT

	2024	2023
	EUR'000	EUR'000
Të ardhurat nga transmissioni i energjisë	20,101	13,431
Të ardhurat nga operatori i sistemit	33,064	23,082
Të ardhurat nga operatori i tregut	301	287
GJITHSEJ TË ARDHURAT	53,466	36,800

18 TË ARDHURAT TJERA OPERATIVE

	2024	2023
	EUR'000	EUR'000
Të ardhurat nga alokimi i kapaciteteve	8,932	8,161
Të ardhurat e tjera	405	203
Të ardhurat nga energjia tranzit	409	777
GJITHSEJ TË ARDHURAT TJERA	9,746	9,141

19 TË ARDHURAT/SHPENZIMET NGA BURIMET E RIPËRTRITSHME TË ENERGJISË

	2024	2023
	EUR '000	EUR '000
Të ardhurat		
Të ardhurat nga burimet e energjisë së ripërtëtitshme	51,292	46,794
Shpenzimet		
Shpenzimet nga burimet e energjisë së ripërtëtitshme	(47,178)	(51,925)
Gjithsej të ardhurat, neto	4,114	(5,131)

Të ardhurat nga Burimet e Ripërtrishme të Energjisë janë realizuar bazuar në rregullën nr. 10/2017 nga Zyra e Rregullatorit të Energjisë së Kosovës ('ZRRE').

20 TË ARDHURAT TJERA NGA GRANTET

	2024	2023
	EUR'000	EUR'000
Amortizimi i granteve të shtyra të lidhura me investime dhe stoku (Nota 4 dhe 14)	5,019	6,313
Granti nga Qeveria për mbulimin e devijimeve në sistem (Nota 14)	9,875	11,880
GJITHSEJ TË ARDHURAT TJERA NGA GRANTET	14,894	18,193

21 HUMBJA E ENERGJISË

	2024	2023
	EUR '000	EUR '000
Humbja në transmetimin e energjisë	13,074	8,942
Humbja e energjisë në komunat e veriut	-	26,789
GJITHSEJ HUMBJA E ENERGJISË	13,074	35,731

Gjatë vitit 2024, Kompania njohu humbje në transmetimin e energjisë në shumën prej 13,074 mijë EUR (2023: 8,942 mijë EUR). Humbjet e energjisë elektrike në rrjetin e transmetimit paraqiten si një ndryshim

midis energjisë elektrike të matur në hyrjen e rrjetit të transmisionit dhe energjisë së matur në daljen e rrjetit të transmisionit.

Nga janari i vitit 2024 obligimin për furnizimin me energji për pjesën veriore të Kosovës e ka kompania Elektroserver dhe KOSTT është liruar nga ky obligim sipas vendimit të ZRrE.

22 SHPENZIMET TJERA OPERATIVE

	2024 EUR'000	2023 EUR'000
Kostot e shërbimeve ndihmëse	24,697	17,777
Shpenzimet për tranzitin e energjisë	1,549	1,971
Shpenzimet e energjisë dhe karburantit	403	386
Shpenzimet e tjera	465	342
Shpenzimet e provizionuara ligjore (Nota 16)	750	197
Shpenzimet e rojeve të sigurisë	199	169
Shpenzimet e zyrës dhe inventarit të imët	79	88
Pagesa e gjobës dhe interesit	627	86
Shpenzimet e marketingut dhe përfaqësimit	100	58
Tatimi në prona dhe tatimet tjera	73	44
Shpenzimet e shërbimeve komunale	42	38
Shpenzimet e udhëtimeve zyrtare	83	39
Këshillim dhe shërbime të tjera	45	21
Shpenzimet mjekësore	19	19
Shpenzimet e sigurimit të automjeteve	18	19
GIJTHSEJ SHPENZIMET TJERA OPERATIVE	29,148	21,253

Kostot për shërbimet mbështetëse (rezerva automatike e rivendosjes së frekuencës (aARF) dhe rezerva manuale e restaurimit të frekuencës (mMRF). Sipas Ligjit për Energjinë Elektrike Nr. 05/L-085, KOSTT menaxhon dhe operon me sistemin e transmisionit të energjisë elektrike të Kosovës. Sipas nenit 16 të këtij ligji, ndër detyrat dhe përgjegjësitë e Operatorit të Sistemit të Transmetimit është: “prokurimi i shërbimeve balancuese për balancimin e sistemit, bazuar në parimet e tregut dhe parimet e transparencës dhe mosdiskriminimit”. Gjithashtu, bazuar në rregulloret e ENTSO dhe dokumentin SOGL (System Operation Guideline), çdo OST e çdo zone LFC do të zbatojë një rezervë automatike të rivendosjes së frekuencës (aARF) dhe rezervë manuale të restaurimit të frekuencës (mMRF).

23 SHPENZIMET E PERSONELIT

	2024 EUR'000	2023 EUR'000
Pagat e personelit	5,704	4,651
Kontributet pensionale	602	490
Pagat për Bordin e Drejtorëve	79	106
Pagat për punëtorët e kontraktuar	29	12
GIJTHSEJ SHPENZIMET E PERSONELIT	6,413	5,258

24 RIPARIMET DHE MIRËMBAJTJET

	2024 EUR '000	2023 EUR '000
Shpenzimet e mirëmbajtjes dhe riparimeve	816	506
GJITHSEJ RIPARIMET DHE MIRËMBAJTJET	816	506

25 TË ARDHURAT DHE SHPENZIMET FINANCIARE

	2024 EUR'000	2023 EUR'000
Të hyrat		
Të hyrat nga interesi	135	889
	135	889
Shpenzimet		
Shpenzimet e interesit	(1,424)	(1,612)
TË HYRAT FINANCIARE /(SHPEZNIMET), NETO	(1,290)	(723)

26 SHPENZIMET E TATIMIT NË FITIM

Sipas Ligjit mbi tatimin në të ardhurat e Korporatave No 06/L -105 që është efektiv nga 5 Gusht 2019, Kompania është e detyruar që të paguaj tatimin mbi të ardhurat në një normë prej 10% mbi fitimin e tatueshëm, e llogaritur në Deklaratën vjetore të Tatimit mbi të Ardhurat.

	2024 EUR'000	2023 EUR'000
Shpenzimi aktual i tatimit në fitim	-	-
Te hyrat/(Shpenzimi) i tatimit të shtyrë	3	159
GJITHSEJ	3	159

Shpenzimet aktuale të tatimit mbi të ardhurat për vitin janë të harmonizuara me fitimin për pasqyrën gjithëpërfshirëse të të ardhurave si në vijim:

	2024 EUR'000	2023 EUR'000
(Humbja/) Fitimi para tatimit	18,185	(17,264)
Rregulluar për:		
Te ardhurat nga dividendat		
Të ardhurat (jo) të zbritshme	177	2,276
Rregullimi i zhvlerësimit	27	1,589
Humbjet tatimore të bartura	(23,208)	(10,421)
Shpenzime të pazbritshme	1,659	613
Fitimi i tatueshëm	(3,159)	(23,208)
Shpenzimet aktuale të tatimit mbi të ardhurat për vitin	-	-

Tatimi i shtyrë

Tatimet e shtyra që rrjedhin nga dallimet e përkohshme janë të përmbledhura si në vijim:

	Shuma bartëse	Baza për tatim	Diferenca e përkohshme	Norma e tatimit	Detyrimi tatimor i shtyrë
Pasuritë Neto më 31 Dhjetor 2023	110,279	46,475	63,804	10%	6,380
Pasuritë Neto më 31 Dhjetor 2024	107,588	43,819	63,769	10%	6,377

Lëvizja e detyrimit tatimor të shtyrë gjatë viteve 2024 dhe 2023:

	Detyrimi për tatimin e shtyrë
Më 31 Dhjetor 2023	6,380
Njohur në tatimin mbi të ardhurat gjatë vitit 2024	(3)
Më 31 Dhjetor 2024	6,377

27 INSTRUMENTET FINANCIARE NË BAZË TË KATEGORIVE

Shuma bartëse e pasurive dhe detyrimeve të Kompanisë të njohura në datën e pasqyrave të pozicionit financiar të periudhës raportuese nën rishikimin mund të kategorizohet si në vijim:

	2024 EUR'000	2023 EUR'000
PASURITË SIPAS PASQYRËS SË POZICIONIT FINANCIAR		
Në kosto të amortizuar		
Të arkëtueshmet tregtare dhe të tjera	59,266	60,751
Depozitat me afat/Cash deposit KfW	2,400	4,800
Paraja dhe ekuivalentët e saj	33,420	26,747
	95,086	92,298
DETYRIMET SIPAS PASQYRËS SË POZICIONIT FINANCIAR		
	2024 EUR'000	2023 EUR'000
Në kosto të amortizuar		
Huatë	21,178	26,454
Llogaritë e pagueshme tregtare	45,472	60,733
	66,651	87,187

28 MATJA E VLERËS SË DREJTË

Instrumentet financiare të njohura me vlerën e drejtë

Pasuritë financiare të matura me vlerën e drejtë në pasqyrën e pozicionit financiar janë në përputhshmëri me hierarkinë e vlerës së drejtë e cila i grupon pasuritë dhe detyrimet në tre nivele bazuar në rëndësinë e të dhënave hyrëse të përdorura gjatë matjes së vlerës së drejtë të pasurive financiare. Hierarkia e vlerës së drejtë është si në vijim:

- Niveli 1: Çmimet e kuotuarra (jo të rregulluara) në tregjet aktive për pasuri dhe detyrime identike që njësia ekonomike mund të përdorë në datën e matjes;
- Niveli 2: Të dhëna të tjera përveç çmimeve të kuotuarra, të përfshira në Nivelin 1 të cilat janë të vëzhgueshme për pasurinë ose detyrimin, qoftë në mënyrë direkte ose indirekte dhe
- Niveli 3: Të dhënat për pasuri ose detyrime që nuk janë të bazuara në të dhëna të vëzhgueshme tregu (të dhëna të pavëzhgueshme).

Më 31 dhjetor 2024 dhe 2023, Kompania nuk ka pasuri financiare të matura me vlerë të drejtë.

Instrumentet financiare që nuk janë paraqitur me vlerë të drejtë

Tabela në vijim përmbledh shumat bartëse dhe vlerat e drejta për ato pasuri dhe detyrime financiare që nuk janë paraqitur në pasqyrën e pozicionit financiar në vlerën e tyre të drejtë.

	Vlera e bartur		Vlera e drejtë	
	2024	2023	2024	2023
	EUR	EUR	EUR '000	EUR '000
	'000	'000		
Pasuritë				
Paraja dhe ekuivalentet e parasë	33,420	26,747	32,920	26,747
Depozitat me afat	2,400	4,800	2,400	4,800
Kolateral për ALPEX	0	0	500	0
Të arkëtueshmet tregtare dhe të tjera	59,266	60,751	59,266	60,751
GJITHSEJ PASURI FINANCIARE	95,086	92,298	95,086	92,298
Detyrimet				
Detyrimet tregtare dhe të tjera	45,472	60,733	45,472	60,733
Huatë që bartin interes	21,178	26,454	21,178	26,454
GJITHSEJ DETYRIME FINANCIARE	66,651	87,187	66,651	87,187

Depozitat me afat dhe të arkëtueshmet

Depozitat me afat dhe të arkëtueshmet mbahen me kosto të amortizimit, minus provizionet për zhvlerësim. Për shkak të maturitetit të shkurtë, vlera e tyre e drejtë i përgjigjet vlerës së tyre bartëse.

Paraja dhe ekuivalentët e parasë

Vlera e drejtë e pasurive monetare që përfshin paranë dhe ekuivalentet e parasë konsiderohet të jetë e përafërt me vlerat e tyre bartëse sipas definicionit dhe për shkak të maturitetit të shkurtë prej më pas se 3 muaj.

Të pagueshmet tregtare dhe huatë

Vlera bartëse e të pagueshmëve tregtare dhe të tjera i afrohet vlerës së tyre të drejtë për shkak të maturitetit të tyre afat shkurtër.

29 INFORMACIONE MBI RREZIQET FINANCIARE

Kompania i ekspozohet risqeve të ndryshme financiare në lidhje me instrumentet financiare. Pasuritë dhe detyrimet financiare të Kompanisë sipas kategorisë janë të përmbledhura në Shënimin 29. Llojet kryesore të risqeve janë risku i tregut, risku kreditor dhe risku i likuiditetit.

Menaxhimi i riskut të Kompanisë është i koordinuar nga menaxhmenti, në bashkëpunim të ngushtë me bordin e drejtorëve, dhe fokusohet që në mënyrë aktive të siguroj rrjedhat e parasë afatshkurtra dhe afatmesme të Kompanisë duke minimizuar ekspozimin e tyre ndaj tregjeve financiare të paqëndrueshme. Investimet financiare afatgjata janë të menaxhuara për të gjeneruar kthime të qëndrueshme. Investimet afatgjata financiare menaxhohen për të gjeneruar kthime të qëndrueshme. Kompania nuk angazhohet në tregtimin e pasurive financiare për qëllime spekulative dhe as nuk shkruan opsione. Risqet më të rëndësishme financiare nga të cilat Kompania është e ekspozuar janë përshkruar më poshtë.

a) Risku kreditor

Risku i kredisë menaxhohet në baza grupore. Nëse klientët me shumicë vlerësohen në mënyrë të pavarur, këto vlerësime përdoren. Përndryshe, nëse nuk ka vlerësim të pavarur, kontrolli i riskut vlerëson cilësinë e kredisë së klientit, duke marrë parasysh pozicionin e tij financiar, përvojën e kaluar dhe faktorët e tjerë. Kufijtë individual të riskut përcaktohen bazuar në vlerësimet e brendshme ose të jashtme, në përputhje me kufijtë e vendosur nga bordi. Pajtueshmëria me kufijtë e kredisë nga klientët me shumicë monitorohet rregullisht nga menaxhimi i linjës. Nuk ka garanci ndaj kësaj të arkëtueshme, por menaxhmenti monitoron nga afër gjendjen e të arkëtueshmeve në baza mujore dhe është në kontakt të rregullt me këtë klient për të zbutur rrezikun

Ekspozimi maksimal i Kompanisë ndaj riskut të kredisë përfaqësohet nga vlera kontabël e secilës pasuri financiare në pasqyrën e pozicionit financiar.

	2024 EUR '000	2023 EUR '000
Klasat e pasurive financiare - shumat bartëse		
Të arkëtueshmet tregtare dhe të tjera	59,266	60,751
Depozitat me afat	2,400	4,800
Paraja dhe ekuivalentët e parasë	33,420	26,747
EKSPOZIMI MAKSIMAL NDAJ RREZIKUT KREDITOR	95,086	92,298

Kompania nuk mban kolateral për ndonjë të arkëtueshme të saj. Të gjitha llogaritë e arkëtueshme për të cilat ekziston evidencë objektive e zhvlerësimit janë zhvlerësuar në mënyrë të duhur.

Të arkëtueshmet tregtare

Kompania ka krijuar politika për të siguruar që shitjet e shërbimeve u bëhen klientëve me një histori krediti të përshtatshme. Kompania ka politika që kufizojnë sasinë e ekspozimit të kredisë ndaj çdo pale të kundërt.

Menaxhmenti i Kompanisë beson se shumat e vonuara por jo të zhvlerësuar janë të arkëtueshme, bazuar në sjelljen historike të vjetërsisë së pagesës dhe riskun e kredisë së klientit.

Vjetërsia e të arkëtueshmeve është si më poshtë:

	2024 EUR'000	2023 EUR'000
0- 30 ditë	17,671	22,300
31-90 ditë	7,468	11,312
Mbi 90 ditë	9	1,947
	25,148	35,559
Minus: Provizonet për zhvlerësim	(559)	(736)
	24,589	34,823

Llogaritë e Arkëtueshme nga jo-balancat

Sipas Ligjit për energjinë elektrike dhe licencat, KOSTT sh.a përveç të gjithave është përgjegjëse edhe për balancimin e sistemit të energjisë elektrike. Në nenin 16 të Ligjit për energjinë elektrike në nenin 1.19 të këtij neni, Operatori i Sistemit është përgjegjës për: “balancimin e sistemit të strukturuar të energjisë elektrike në përputhje me Kodin e Rregullatorëve të Rrjetit të Transmetimit dhe Tregut”. Edhe pse energjia elektrike si produkt i cili shpërndahet në kohë reale gjithmonë shpallet dallimi në mes të sasisë së kontraktuar dhe sasisë së prodhuar përkatësisht të konsumuar. Diferenca midis energjisë së kontraktuar për shpërndarje dhe energjisë së matur të dorëzuar të njëjës prej palëve tregtare quhet çekuilibër i jobalancimit të palës dhe pala tregtare është përgjegjëse për koston që ka shkaktuar. Kompania ka politika që kufizon shumë e ekspozimit të kredisë ndaj çdo pale.

b) Risku i likuiditetit

Menaxhimi i kujdesshëm i riskut të likuiditetit nënkupton mbajtjen e mjeteve monetare të mjaftueshme dhe të letrave me vlerë të tregtueshme, si dhe disponueshmërinë e fondeve nëpërmjet lehtësive adekuatë të kredisë dhe aftësinë për të mbledhur shumat e duhura nga klientët në kohën e duhur, brenda afateve të përcaktuara. Për shkak të natyrës dinamike të Kompanisë, menaxhmenti synon të mbajë fonde fleksibile duke mbajtur linjat e kreditit të zotuar në dispozicion. Tabelat në vijim paraqesin maturitetet e kontraktuara të mbetura të detyrimeve financiare të Kompanisë. Tabelat janë të përgatitura në baza të rrjedhës së parasë të pa zbritur të detyrimeve financiare.

31 dhjetor 2024	Afatshkurtë		Afatgjatë		Gjithsej
	Brenda 1 viti	1 deri 2 vite	2 deri 5 vite	Mbi 5 vjet	
	EUR '000	EUR '000	EUR '000	EUR '000	EUR '000
Huatë	5,276	2,656	6,963	6,283	21,178
Llogaritë e pagueshme tregtare dhe të tjera	52,739	-	-	-	52,739
	58,015	2,656	6,963	6,283	73,918

31 dhjetor 2023	Afatshkurtë		Afatgjatë		Gjithsej
	Brenda 1 viti	1 deri 2 vite	2 deri 5 vite	Mbi 5 vjet	
	EUR '000	EUR '000	EUR '000	EUR '000	EUR '000
Huatë	5,145	3,334	7,569	10,406	26,454
Llogaritë e pagueshme tregtare	67,318				
	72,463	3,334	7,569	10,406	26,454

c) Risku i tregut

Risku i tregut është rreziku që ndryshimet në çmimet e tregut, të tilla si kurset e këmbimit të huaj dhe normat e interesit do të ndikojnë në të ardhurat e Kompanisë ose vlerën e zotërimeve të saj të instrumenteve financiare. Objektivi i menaxhimit të riskut të tregut është të menaxhojë dhe kontrollojë ekspozimin ndaj riskut të tregut brenda parametrave të pranueshëm, përderisa optimizon kthimin.

d) Risku i normës së interesit

Risku i normës së interesit përbëhet nga rreziku që vlera e një instrumenti financiar do të luhetet për shkak të ndryshimeve në normat e interesit të tregut dhe risku që maturitetet e pasurive që bartin interes të ndryshojnë nga maturitetet e detyrimeve që bartin interes të përdorura për të financuar ato pasuri (risku i rishmimit). Kohëzgjatja e kohës për të cilën norma e interesit është e fiksuar në një instrument financiar në këtë mënyrë tregon se në çfarë mase është e ekspozuar ndaj riskut të normës së interesit. Për vitet e mbyllura më 31 dhjetor 2024 dhe 31 dhjetor 2023, Kompania nuk është e ekspozuar ndjeshëm ndaj riskut të normës së interesit.

	2024 EUR '000	2023 EUR '000
Pasuritë financiare		
<i>Që nuk bartin interes</i>		
Të arkëtueshmet tregtare dhe të tjera	59,266	60,751
Paraja ne arkë	1	1
<i>Me normë të interesit të përcaktuar</i>		
Balancat bankare	33,420	26,747
Depozitat me afat	2,400	4,800
	95,087	92,299
Detyrimet financiare		
<i>Që nuk bartin interes</i>		
Detyrimet e tregtueshme dhe të tjera	52,739	67,318
<i>Me normë fikse interesi</i>		
Huatë që bartin interes	21,178	26,454
	73,918	93,772

e) Risku i valutave të huaja

Kompania nuk është e ekspozuar ndaj riskut të kursit të këmbimit pasi që Kompania nuk ka transaksione në valutë të huaj.

30 MENAXHIMI I RISKUT KAPITAL

Objektivat e Kompanisë në menaxhimin e kapitalit janë që të mbrojnë aftësinë për të vazhduar me vijimësinë në mënyrë që të ofrojnë kthime për aksionarët dhe përfitime për palët e tjera të interesit dhe të mbajë një strukturë optimale të kapitalit për të reduktuar koston e kapitalit.

Menaxhmenti rishikon strukturën e kapitalit në baza të vazhdueshme. Si pjesë e këtij auditimi, menaxhmenti konsideron koston e kapitalit dhe riskun e lidhur me secilën klasë të kapitalit.

Raporti i borxhit.

Menaxhmenti rishikon strukturën e kapitalit në baza të vazhdueshme. Si pjesë e këtij rishikimi, menaxhmenti konsideron koston e kapitalit dhe rrezikun e lidhur me secilën klasë të kapitalit.

	2024 EUR'000	2023 EUR'000
Huatë	21,178	26,454
Gjithsej ekuiteti	101,718	83,530
	20.82%	31.67%

31 PALËT E LIDHURA

Një palë është e lidhur me një entitet nëse, drejtpërdrejt ose indirekt përmes një ose më shumë ndërmjetësve, pala kontrollon, kontrollohet ose është nën kontroll të përbashkët me njësinë ekonomike, pala ka një interes në njësinë ekonomike që i jep asaj një ndikim të rëndësishëm mbi njësia ekonomike, pala ka kontroll të përbashkët mbi njësinë ekonomike, pala është një bashkëpunëtorë ose partia është një anëtar i personelit drejtues kryesor të njësisë ekonomike ose shoqërisë mëmë të saj.

Kompania ka transaksione të palëve të lidhura gjatë rrjedhës normale të aktiviteteve të biznesit. Tabela më poshtë paraqet vëllimin dhe bilancet nga transaksionet e palëve të lidhura që prej dhe për vitet e mbyllura më 31 dhjetor 2024 dhe 2023.

	Grantet e shtyra	Të ardhurat nga njohja e granteve	Shpenzimet	Llogarite e Arkëtueshme	Llogaritë e Pagueshme	Të Hyrat	Shpenzimet
31 Dhjetor 2024	EUR '000	EUR '000	EUR '000	EUR '000	EUR '000	EUR '000	EUR '000
Qeveria e Kosovës	37,948	14,894	-	-	-	-	-
Kompensimi i menaxhmentit kyç	-	-	190	-	-	-	-
Anëtarët e Bordit	-	-	79	-	-	-	-
Alpex	-	-	-	-	-	27,501	13,363
	37,948	14,894	269	-	-	27,501	13,363

	Grantet e shtyra	Të ardhurat nga njohja e granteve	Shpenzimet	Llogarite e Arkëtueshme	Llogaritë e Pagueshme	Të Hyrat	Shpenzimet
31 Dhjetor 2023	EUR '000	EUR '000	EUR '000	EUR '000	EUR '000	EUR '000	EUR '000
Qeveria e Kosovës	36,850	18,193	-	-	-	-	-
Kompensimi i menaxhmentit kyç	-	-	144	-	-	-	-
Anëtarët e Bordit	-	-	106	-	-	-	-
Alpex	-	-	-	-	-	-	-
	36,850	18,193	250	-	-	-	-

32 ZOTIMET DHE KONTIGJENCAT

Çështjet ligjore

Kohë pas kohe dhe në rrjedhën normale të biznesit, pretendime kundër Kompanisë mund të pranohen. Mbi bazën e vlerësimeve të veta dhe të këshillave të brendshme dhe të jashtme profesionale, menaxhmenti është i mendimit se nuk do të ketë humbje materiale në lidhje me pretendimet që tejkalojnë provizionet që janë bërë në këto pasqyra financiare.

Më 31 dhjetor 2024 Kompania ishte e angazhuar në procedurat ligjore të filluara kundër Kompanisë në shumën prej 9,920 mijë EUR.

Gjatë vitit të mbyllur më 31 dhjetor 2024 Kompania ka njohur provizione në vlerë prej 6,477 mijë, nga të cilat 2,554 mijë EUR kanë të bëjnë me procedurat ligjore të filluara kundër kompanisë (Shënimi 32 Zotimet dhe kontigjencat) dhe 4,215 mijë EUR kanë të bëjnë me provizionet për detyrimet tregtare që dalin nga zgjidhjet e diskutueshme me dy furnitorë. Gjatë vitit që përfundon më 31 dhjetor 2024, kompania njohu provizion në vlerë prej 750 mijë EUR. Provizioni i njohur pasqyron vlerësimin më të mirë të Menaxhmentit për rezultatin më të mundshëm.

Marrëveshjet

Marrëveshjet aktuale të huasë ndërmjet kompanisë dhe huadhënësve kërkojnë që Kompania të mbajë marrëveshjet e saj financiare brenda kufijve të kërkuar të përcaktuar në marrëveshjet e huasë. Raporti aktual i llogaritur në bazë të të dhënave financiare është brenda kufirit të kontraktuar.

Zotimet

Më 31 dhjetor 2024 punët e kontraktuara me kompanitë janë në shumën prej 5,445 mijë EUR (31 dhjetor 2023: 9,870 mijë EUR).

Pasuritë e lëna peng

Asnjë nga pasuritë e Kompanisë nuk është lënë peng si siguri për huazimet.

33 NGJARJET PAS DATËS RAPORTUESE

Nuk ka asnjë ngjarje pas datës së autorizimit të pasqyrave financiare që kërkojnë rregullime ose shpalosje në pasqyrat financiare.